

四庫全書

子部

欽定四庫全書

子部

證治準繩卷八十六

詳校官太醫院吏目臣朱桂

編修臣倉聖脈覆勘

總校官進士臣朱鈴

校對官助教臣羅萬選

膳錄監生臣毛杞

欽定四庫全書

證治準繩卷八十六

明 王肯堂 撰

幼科

心臟門

痘瘡寒戰咬牙

寒戰者森然若寒振振然搖動也咬牙者上下片牙相磨而鳴也經曰諸風振掉皆屬肝木寒戰而振振搖動

風之象也火氣衝物亦然錢氏曰肝主風虛則咬牙多  
欠又曰上竄咬牙心熱也然則寒戰咬牙心肝二藏主  
之或以寒戰為氣虛咬牙為血虛或以咬牙為齒槁謂  
津液不足者皆不知此意痘瘡所惡者寒戰咬牙或單  
見一證或二證並見若瘡已壞加之喘促悶亂者死無  
日矣 凡病痘者瘡本稠密轉動之間身體振搖者此  
一身被瘡所困不能支持轉動艱難之故不可便作寒  
戰妄投熱藥也有只咬牙者此心肝二經火旺也蓋肝

虛咬牙心熱者亦咬牙勿便作不治論 如瘡初出而

寒戰者此邪氣將出外與正爭故振振搖動火之象也  
瘡出乃定柴葛桂枝湯主之 瘡已出或已成漿而寒

戰者表氣虛而不勝邪氣之盛也養胃化毒湯主之

如瘡本稠密焮發腫痛經脉動搖時時振動者不可謂  
之寒戰待膿成痛去而解 收靨之時痂皮員淨但或

時戰慄者此正氣將復不能自持之兆不必憂疑須更  
自定 有筋惕肉瞤者經絡之血為瘡所耗不能榮養

肌肉主持筋脉故惕惕然而手足自跳瞤瞤然而膚肉  
自動也不可謂之寒戰但養其氣血十全大補湯汗主  
之薛一小兒十四歲痘將愈忽寒戰手足並冷脉微  
細而不及兩寸乃脾氣虛熱用五味異功散獨參湯十  
全大補湯而愈一婦人愈後寒戰脉浮大按之微細  
此血氣虛也用十全大補湯三十餘劑而愈後因勞寒  
熱往來寒時手足如冰熱時手足如炙脉浮大重按則  
細此陽氣虛甚也朝用補中益氣湯加桂附各一錢夕

用八味丸料倍加桂附各五十餘劑而安

柴葛桂枝湯 柴胡 葛根 甘草 桂枝 防風

人參

白芍

各等分

右剉細加生薑三片水一盞

煎七分去渣溫服不拘時

養衛化毒湯

人參

黃耆

炙

桂枝

甘草

當歸

右水煎服

初虞世云憎寒困倦或發寒戰能令痘子縮伏宜用陳

文忠異功散

方見見形證  
治出不快條

婁氏云嘗治痘瘡寒戰用

白朮耆歸加苓治之愈 袁氏獨附湯治寒戰 大附

子

五錢麵裹煨

用水一鍾燈草七根煎服

右方加人參二錢肉桂五分黃耆二錢橘紅一錢甘草五分當歸一錢則為附子振陰陽治寒戰牙掣效方也但紫焦伏黑者不用

咬牙呵欠者肝虛也肝屬木臨官於寅寅為相火火盜木之氣故肝虛之證形馬陽引而上陰引而下則開而欠也陽上極而下陰下極而上則合而齧也十全大補

湯主之 如發熱之初便咬牙者此與瘡塌吐瀉脾胃

弱者不同須審形證分治之若多欠咬牙頓悶者肝藏

風熱也羌活湯

痘發熱

目上竄咬牙者心藏熱也導赤散

心不可妄用陳氏辛熱之劑 上竄咬牙者心熱也諸

瘡皆屬心火上竄者火炎上之象也咬牙者火氣搖動

之象也導赤散加酒炒黃連牛蒡子主之 咬牙兼面

赤作渴至夜為甚者宜地黃丸 薛一小兒痘瘡咬牙

面黃飲湯此陽氣虛弱也用五味異功散加木香而愈

後仍咬牙面赤作渴至夜為甚此脾腎陰虛也用地黃丸大補湯而愈 一小兒咬牙作渴面色忽白忽赤脉洪數按之無力左關尺為甚此屬腎虛也用地黃丸補中益氣湯尋愈後因驚面青目赤呵欠咬牙手尋衣領此肝經虛熱用加減八味丸料煎與恣飲頓安又用補中益氣湯而痊 一小兒咬牙作渴飲冷大便微祕寒戰痘赤多在身側此屬膽經虛熱也用小柴胡湯柴胡麥門散各一劑又用加味四物湯而痊

清神化毒湯 治心肝火旺其牙相戛而鳴者 升麻

生地黃 木通 甘草 防風 麥門冬 右用

水煎服

人參蟬蛻散治咬牙喘滿煩躁作渴

方見痘煩躁

錢氏百神丸治憂齒甚妙 如寒戰咬牙併作者則少

陰專主之觀其瘡本 如瘡本潰爛寒戰咬牙者此手

少陰心火也經曰熱勝則肉腐寒戰咬牙火氣搖動之

象也 如瘡本焦黑寒戰咬牙者此足少陰腎水也腎

色黑為主蟄封藏之本乾黑者真藏色見也腎氣寒在變動為慄寒戰者腎本病也腎主骨牙為骨餘寒戰則鼓頷而兩牙相軋咬牙者腎寒所發也此二證者在心熱則清之在腎寒則溫之其病已壞治之何益或因陽氣虧損咬牙寒戰者獨參湯參附湯甚效若氣血不榮而不能厲蕪以悶亂不寧卧則哽氣泄瀉寒戰咬牙者陳氏異功散

見形出不快條

加木香當歸以救之錢氏

法寒戰咬牙黑陷者百祥丸下之

方見黑陷

薛前證若手

足並冷渴飲熱湯大便泄瀉者陽氣虛寒也宜熱補之  
手足不冷大便不利渴飲溫湯者脾氣虛熱也宜調補  
之手足不熱大便不利渴飲熱湯者脾胃虛弱也宜溫  
補之 一小兒出痘寒戰咬牙四肢倦縮大便自利手  
足並冷喜飲熱湯此陽氣虛寒也用十二味異功散末  
二錢諸證頓退又用人參白朮散參耆四聖散而屬  
一小兒十四歲面色忽赤忽黑出痘寒戰咬牙作渴煩  
熱喜飲熱湯此陽氣虛寒也用十全大補湯散煩渴頓

止乃以八珍倍加參耆至膿灌又作渴面赤此膿成而血氣虛也用當歸補血湯八珍湯而屬至月餘面赤煩渴或時昏憤痘痕如赭或時作癢脉法大按之如無此血脫也用大劑當歸補血湯而安 一小兒膿不灌兼寒戰咬牙腹脹屬脾胃虛弱用四君肉桂歸耆肉豆蔻又用參耆四聖散而痊後用托裏散四君子湯而屬一小兒瘡塌寒戰咬牙喜飲溫湯手足不熱屬陽氣虛弱也用參耆四聖散諸證已退用參耆托裏散其漿漸

灌用十全大補湯其痼頓靨 一產婦出痘寒戰咬牙  
腹脹作渴足冷身熱此脾胃內虛寒外假熱也大補湯  
加桂附三四劑去附易乾薑二三劑仍用參耆四聖散  
并五味異功散加歸耆治之而痊 諸書多以寒戰咬  
牙併作為不治之證然能善治之多有生者蓋熱毒不  
能盡發內與正氣相搏則筋脉因之而動搖人之一身  
惟手足能運動口能開闔皆虛境也相搏之際故手足  
戰搖而口齒相戛矣

無憂散

治臨危痘證寒戰咬牙

人牙

自落者不拘多少火煨存

性淬入韭菜汁內大牙三次小牙二次研極細末

雄黃

珍珠

各五分

右俱研為細末每服三五分多則一錢用荔枝煎

湯下 一方有牛黃五分

透骨解毒湯

治寒戰咬牙

紫草

甘草

當歸

防風

陳皮

赤芍藥

右各等分水煎服

催蟄丹

痘踰八九朝膿漿雖不充裕倏然寒戰咬牙

以此治之

虎牙人牙各一枚酥炙研細和人參丁

香末乳酒和服

滴滴金 治寒戰咬牙 狗頭去肉留腦髓酥炙脆細

研為末

濃煎酒下

厥逆

逆者四肢逆而不溫也厥者冷也又甚於逆四肢者諸

陽之本常宜和煖如指頭微寒者陽氣衰也

陽氣起於十指之端

足心冷者陰氣勝也

陰脉集於足下而趨於足心

如瘡本焦黑煩渴

頓悶喘促而厥逆者此陽毒內陷熱氣逆伏手足為之

冷所謂熱深厥亦深火極似水者如瘡本灰白泄利而厥逆者此元氣虛憊陰陽不相順接而手足為之冷也瘡疹之候頭常欲涼足常欲溫故頭溫足冷者不治厥逆乃瘡家惡證也 如因熱深而厥者大便不通三乙

承氣湯

便閼

主之瘡黑者百祥丸牛李膏主之

俱見黑陷

如因泄利氣虛而厥者陳氏木香散

瀉

異功散

快出不

主

之但十指頭微寒者四君子湯

不能食

理中湯

吐利

並

加桂主之

痘瘡發熱手足却宜和煖雖云足屬腎要

涼涼非冷也只與常人同遍身皆熱而此同常人故稱  
涼亦和煖之意非真冷也若手足冷由其人曾多吐瀉  
脾藏虛怯脾主四肢所以冷冷為惡候不可單用發表  
反損脾胃宜和中發表兼用痘出以脾胃為主又宜急  
與朮作湯以飲之不可因循空談廢事也先以黃耆建  
中湯腹痛加防風羌活或四君子湯加黃耆桂枝防風  
以發之發後以四君子湯加黃耆白芍藥當歸桂心以  
補脾胃養氣血而助痘瘡之成就也如瘡始出手足

便冷者其人先有吐利四肢者皆稟氣於胃脾胃氣弱不能至經理中湯加桂主之

參附湯

治痘疹陽氣虛寒咬牙寒戰手足並冷或吐

瀉不食飲沸湯不知熱用獨參湯加好真附炮如法者每劑先加一錢未應多加之更不應加至四五錢或等分亦無妨但用之以運其陽氣如已脫者不治二神散 治傷冷體寒肢冷腹痛口氣冷難發難壯暫用 丁香九粒 乾薑一錢 右為末每服五分白湯

送下蓋被片時令脾胃溫煖陰反陽回則痘變順矣  
量兒大小輕重之

眼目

萬目者心之使也神所寓焉發熱之初觀其兩目神倦  
不欲開者痘也目中汪汪若水者疹也諸瘡皆發於心  
故候見於目也目赤者熱甚也心惡熱急解之經曰肝  
通竅於目瘡疹發熱目連劄者肝有風也風入於目上  
下左右如風吹不輕不重兒不能任故目連劄也目直

視者肝有熱也熱入於目牽其筋脉兩眦俱緊不能轉  
眇故目直也得心熱則搐者風火根搏也痘瘡發搐此  
其常候但瀉心肝上之火搐止則吉搐不止則凶鍼經  
曰五臟六腑之氣皆上注於目而為之精精之窠為眼  
骨之精為瞳子筋之精為黑睛血之精為絡氣之精為  
白睛肉之精為餉束裏擷痘瘡之毒發於五臟六腑毒  
之甚者眼必受之古人留護眼之法其意深矣凡瘡出  
太甚兩眼常出淚者肝熱也此時眼中無瘡但內服瀉

肝火之藥蓋眼中之痘常在收靨不齊之後有之如瘡  
入目成膚翳者切不可用點藥損睛破瞳成廢人矣痘瘡  
收後目不可開者肝熱則目澀不敢開明暗皆然心熱  
見明則合暗處則開謂之羞明此有餘熱在心肝也如  
瘡未成膿腫去目開者瘡已過期收靨不齊目閉不開  
者瘡壞欲變目上竄者心絕也直視不轉者腎絕也非  
泣而淚自出者肝絕也微瞑者氣脫也血貫瞳子者火  
勝水竭皆死候也 護眼法見見形證治 痘毒入眼

而虛弱者不宜涼劑俟靨後治之雖有目翳切不可用  
點藥只宜活血解毒俟五臟和平翳當自去若誤用點  
藥則非徒無益而反害之 丹如瘡傷眼必用山梔赤

芍決明歸鬚連翹防風桔梗升麻小劑末之調服如眼  
無光過百日後血氣完復則自明矣 張炳治瘡疹後

毒氣攻眼或生翳膜赤黑之類宜用四物湯加荊芥防  
風煎服兼用黑豆皮穀精草海蛤甘草等分為末用熟

猪肝切片蘸服神妙

一方治痘毒目翳用江西蛤粉黑  
豆皮甘草密蒙花等分為末調服

丹痘後生翳數服效用葳靈仙仙靈脾等分洗淨不見火與日為細末每服隨時宜第三次米下

錢氏黃栢膏痘初出塗面護眼

方見證治大法

調肝散治瘡

疹太盛服之不入眼

方見痘密

羊肝散

即下蜜蒙散方見活人法

蟬

蛻散治癰瘡入眼半年已裏者一月取效 豬羊蹄甲

二兩入罐子內鹽泥固封燒存性

蟬蛻

去土取末一兩

右二味研入羚羊角細末二分拌勻每服一字百日  
外兒一二分三歲三四分漿水或新水調下日三四

夜一二食後一年已上者不治

治瘡疹入眼

馬屁勃

蛇皮

各半兩

皂莢子

十四粒

右入小礮子內鹽泥封固燒存性研細溫酒調下三

錢食後

治瘡疹入眼或翳

枯婁根

半兩

蛇皮

二錢

右為細末

用羊肝一個批開入藥末二錢麻線纏定米泔煮熟  
頻與食之兒未能食肝乳母多食之又方用蟬蛻  
末以水煮羊肝湯調服二三錢

海藏地黃散

治小兒心肝壅熱目赤腫痛生赤翳或

白膜遮睛四邊散漫者尤易治若暴遮黑睛者多致

失明宜速用此方亦治瘡疹人眼

熟地黃

當歸

各一分

黃連

大黃

煨

防風

羌活

生犀

末

蟬蛻

去土

木賊

穀精草

白蒺藜

沙苑蒺藜

各一錢

生地黄

木通

甘草

各一錢五分

玄參

五分

右為細末每服一字或五分量兒大小加減煎羊肝

湯食後調下日三夜一忌口將息大人亦治

東垣云治痘瘡風熱毒翳膜暈遮睛以瀉青丸治之大  
効初覺易治雲岐用竹葉湯和沙糖水化下瀉青丸二  
九漸至微利神効

癰入眼用決明揅雲蜜蒙花通聖蛤粉散之類然無出  
此書海藏云莫若病時隨經而取不使毒氣轉入眼中  
為尤妙然眼有五輪亦當求責此言為失治者說  
也

決明散 治瘡痘疹入眼海藏云此少陽太陰之劑

決明子

瓜蒌仁

各半兩

赤芍藥

甘草

各一分

右為細末入麝香少許令勻每服二錢生米泔調下

臨臥服

撥雲散

治瘡痘入眼及生翳

用桑螵蛸真者一兩

炙令焦細研搗為末入麝香少許每服二錢米泔調

下

蜜蒙花散

治小兒痘瘡入眼及無辜疔氣入眼

蜜蒙花

三兩

青柏子

決明子

車前子

各一兩

右末拌勻用羊肝一大片薄批摻上濕紙裏煨熟量

多少空心服之

錢氏海藏云  
即羊肝散

通聖散 治疹痘瘡入眼及生翳

白菊花

如無甘菊代之  
然不如白菊好

萊豆皮

穀精草

去根  
各一

兩

右為細末每服一大錢柿乾一箇米泔水一盞同煎  
候米泔盡只將柿乾去核食之不拘時日三枚日近  
者五七日遠者半月取効

蛤粉散

治小兒瘡子入眼

穀精草

蛤粉

各等分

右為細末每一錢七猪肝一兩許批開摻藥捲了用竹箸裹麻線縛定水一碗煮令熟入收口磁瓶薰眼候溫取食之日作不過十日退

眼閉不開者肝經熱也用消毒救苦湯

法大

子母同服

或先用柴胡麥冬散

餘毒

次用四物湯

失血

加山梔亦

可目赤腫痛者亦柴胡麥冬散并穀精散治之倪氏維德啟微集治痘疹餘毒不解未滿二十一日上攻眼目

生翳眵淚俱多紅赤腫閉者亦用消毒救苦湯治効  
如痘稠密面腫目閉未收靨而眼忽先開者凶 元氣  
虛損脉數促致令目睛上吊而露白非痘毒也時人謂  
風證謬甚但只露白而無他證急以保元湯加陳黃米  
主之七日之後有此十生六七七日之前有此百無一  
生無魂失志者不治不省人事者不治

洗肝明目散 當歸 川芎 防風 山梔仁

龍膽草 柴胡 木賊 羌活 蜜蒙花

各等分

右判為末每服一錢淡沙糖水調服

蟬殼明目散 治眼目風腫及生翳膜等疾

蟬殼

去足翅

地骨皮

黃連

宣州者去鬚

牡丹皮

白朮

蒼朮

米泔浸切焙

菊花

各一兩

龍膽草

五錢

甜瓜子

半升

右為細末每服一錢半荊芥煎湯調下食後臨卧各

一服治時疾後餘毒上攻眼目甚效忌熱麵炒豆醋

醬等物

蟬蛻散

蟬蛻

蜜蒙花

黑豆殼

菓豆殼

明月砂

各等分

共為細末每用一錢以猪羊肝一片批開入藥沒在  
內麻扎定米泔煮熟頻與食肝飲湯

蜜蒙花散

治痘入目翳膜遮睛

蜜蒙花

菊花

石決明

白蒺藜

木賊

羌活

右為末每服二三錢茶清調下

兔糞散

治痘入眼

兔糞炒黃為末用蟬蛻木通甘

草煎湯頓服亦可煉蜜為丸酒送下三五十丸

兔糞丸

治痘入眼或生翳障

兔糞

炒四兩

石決明

煨

木賊

去節

白芍藥

防風

各一兩

當歸

五錢

穀精草 二錢

右為末蜜丸菴豆大每服三五十丸荊芥湯送下

吹耳丹

輕粉

飛丹

為細末左眼翳吹右耳右眼

翳吹左耳只吹一二次 又方 加雄黃麝香少許

外用石燕子一對檳榔一對二味磨水常服

洗肝散 大黃 梔子 防風 薄荷葉 當歸

川芎

羌活

各等分

右判散每用三錢水一盞煎六分不得煎熟空肚涼服

防風散 痘疹後風熱上攻目赤腫流血及痘風瘡

荊芥穗 當歸 川芎 防風 赤芍藥 防己

梔子

右各等分為細末每服二錢茶清調下作湯煎服亦

可

加味四物湯

瘡毒入目血熱不散兩背皆赤兼治瘡

癰

當歸

川芎

白芍藥

防風

生地黄

荊芥

各等分

右剉散每服五錢水一盞半煎一盞分作二三次服

羌活防風散

日三服一切翳障皆可磨去

羌活

防風

川芎

甘草

木賊

萊豆皮

荊芥

各三

錢

蟬蛻

穀精草

蛇蛻

雞子殼

用內薄皮各二錢

右為極細末茶清調下每服一錢食後服

秦皮散 治大人小兒風毒赤眼痛癢溢淚昏暗羞明

秦皮

滑石

黃連

各等分

右每用半錢湯泡乘熱洗

僊靈皮散

治痘疹入眼

僊靈皮

葳靈僊

各等分

右為末每服半錢米湯調食後下

蒺藜散

治痘疹入眼

蒺藜

甘草

羌活

防風

各等分

右為細末每服二錢水調服如撥雲見日之効

蟬菊散

治痘疹入目或病後生翳障

蟬蛻淨洗

白菊花

各等分

每服三錢入蜜少許水煎食後服

菊花散

治瘡疹入眼諸證

白菊花

菜豆皮

蜜蒙花

旋覆花

穀精草

甘草

各兩

每貼二錢用柿餅一枚粟米泔一盞煎水乾為度取

柿餅食之五七日即効

丹溪治痘後目翳穀精草蛇蛻菜豆殼天花粉為末  
粟米泔浸煮乾為度食之

浮萍散 治痘疹入眼痛楚不可忍 浮萍草陰乾為

末每服一二錢用羊肝半片入盃內以竹杖刺碎投  
水半盞絞汁調藥食後服之已傷者十服九効

羚羊角丸 治小兒腎虛宜肝腎明目 羚羊角 取末

酸棗仁 去皮各半兩 肉桂 不見火五分 虎脛骨 醋炙黃五錢

防風 當歸 黃耆 各一錢

右為末煉蜜丸如皂子大每服一九食前溫水化下

日進三服

羚羊角散

治肝藏實熱眼目昏暗時多熱淚

羚羊角

銹

羌活

去蘆

玄參

車前子

黃芩

去黑心

山梔仁

瓜蒌

各五錢

胡黃連

菊花

各三

分

細辛

去苗二分

右為細末每服二錢食後竹葉前湯調服

羚羊角飲子

治黑翳如珠外障

羚羊角

五味子

大黃

知母

各一兩

芒硝

防風

各二兩

右剉每服五錢水一盞煎五分去滓食後溫服此方

宜斟酌用之不可輕率

揜雲散

治小兒瘡疹後眼中生翳膜

兔糞

二兩如芒蘆花

色者佳

蟬退

木通

白蒺藜

各二兩

甘草

一兩

右同為極細末煉蜜為丸如梧桐子大每服八十九食後白湯送下日進三服或煎濃湯服亦可頻頻服之以翳退盡為度此方經驗極効

兔糞擲方

向東西地方上一去不許回顧尋取兔糞十四粒擲  
擲用雌雄同磨取不落地并花水調服甚効

咽喉

咽者胃之系主內而不出所以司飲食也喉者肺之系  
主出而不內所以司呼吸也人之咽喉乃緊要橐籥門  
戶也經曰一陰一陽結謂之喉痺一陰者手少陰君火  
心主之脉氣也陽者手少陽相火三焦之脉氣也二

脉並絡於喉瘡疹之毒君相二火主之其火上蒸咽喉  
最為先受故發熱與出形之初必問其咽喉痛與不痛  
先與發散解利之令毒得出不留連於咽喉間也若不  
知此義以解利於先則咽喉腫塞飲食不入呼吸不能  
死在旦夕矣如瘡出太甚審察咽喉若內無瘡又不痛  
者此毒已盡出不須慮之如內多瘡又加痛苦者切防  
收靨之時噎水吐食失聲之變如病益甚喉中氣響汨  
汨如水聲者死

初覺發熱煩躁咽痛者宜升麻湯

初熱

活人如聖餅子消毒散

出太密

咽痛發熱作渴面赤飲

冷者胃經實熱也射干鼠粘子湯主之

既出而咽喉

疼者乃心胃有熱上攻如咽乾澀而疼兼口舌生瘡齒

浮齲腫者宜甘露飲丹溪用鼠粘子湯

即消毒散加防風

水漿

不入者紫雪

大科發熱

最妙抱龍丸

驚

消毒飲

出不快

皆可用

毒攻咽喉口舌生瘡不能吮乳者如聖餅子主之已上

劑須能食臟腑實方可用如上焦雖熱却小便清大便

溥薄飲食不進者當以清上溫下藥調之如甘桔湯加

參朮陳皮訶子之類更驗手足如不熱者白朮散渴調之  
厲後咽痛治法見痘後餘毒條風熱咳嗽咽膈不利者陳氏用桔梗甘草防風湯玄參升麻湯亦得身  
壯熱口舌生瘡咽喉腫痛大便堅實者射干鼠粘子湯  
厲後壯熱咽痛痘痕色紅手微熱者餘毒未解也柴  
胡麥門冬散主之餘毒手指似熱而冷者脾氣虛也  
錢氏異功散主之要訣云喉者氣之出入之戶也熱  
毒之氣至亦為極地故痘證喉病獨多而且暴烈或痛

或燥或破或咽食或噎食或流涎變症多端固難定治  
俱以退火為急用甘桔湯合解毒湯

即黃連解毒湯

加麥門冬

薄荷硼砂孩兒茶為極細末煉蜜丸如大豆大時時噙  
化嚥骨垂下或腫大以玉鎖匙點之噎喉六日以前急  
宜治之喉痛喉燥喉破不能飲食者亦玉鎖匙吹之

如喉痛作渴上體雖甚熱而兩足俱冷瘡不起發者乃  
腎經虛熱也不可專用清涼之劑宜以地黃丸料煎與  
恣飲兼用八物湯補之

活人如聖餅子

治小兒瘡疹毒攻咽喉腫痛

海藏云  
隨經此

一方即  
是隨經

牛蒡子

炒

甘草

各一兩

麥門冬

去心  
半兩

桔梗

一兩

右為末加竹葉同煎細細服之

海藏云減門冬竹葉  
甘桔鼠子湯治咽喉

不利

小兒癰出欲透皮膚身熱咽喉不利甘草桔梗升麻湯

甘草

半兩

桔梗

一兩

升麻

半兩

右判細每服一大錢水煎服

甘露飲子

治心熱咽喉痛口舌生瘡并瘡疹已發未

發並可服之

治熱上攻牙根腫痛動搖 生地黃

熟地黃

天門冬

去心

麥門冬

去心

枇杷葉

去毛

枳殼

炒

黃芩

去心

石斛

去苗

甘草

炒

山茵陳

右各等分為粗末每服二錢水一盞煎食後溫服牙

齒腫痛則含嗽并服

海藏云甘露飲為血劑

地黃丸

治小兒痘疹口瘡喉腫痛牙疳臭爛

天門冬

麥門冬

玄參

各三兩

甘草

薄荷

各一兩

右為細末生熟地黃汁和丸櫻桃大每服一九溫蜜水化服

甘桔防風湯

痘疹後餘毒咽喉痛

桔梗

甘草

防風

各等分

右剉散每服三錢水一盞煎至六分空肚溫服忌酒

薑椒熱物

玄參升麻湯

治痘疹後餘毒咽喉腫痛 升麻

玄參

甘草

各半錢

右判散水一盞煎六分并查溫服癰疹熱甚涼服

射干鼠粘子湯 治痘疹後癰疽瘡毒 鼠粘子 二錢

升麻 甘草 射干

各五分

右判散水一盞煎六分空心服忌魚腥葱蒜

玉鎖匙 點嚥骨腫痛或垂下及喉舌強硬等證

硼砂 一錢 朴硝 五分 殭蚕 一條 片腦 半分

右為極細末咽喉腫痛每用少許以竹管吹之

加減射干鼠粘湯 治痘證熱毒上衝咽喉腫痛

射干 山豆根 白殭蠶 各一錢一分 鼠粘子

紫草茸 紫苑 各一錢二分 桔梗 石膏 訶子

木通 各一錢 升麻 蟬蛻 各八分 甘草 五分

右剉為粗散每服四五錢水煎食遠服

利咽解毒湯 治痘咽喉痛首尾皆可用 山豆根

麥門冬 各一錢 牛蒡子 炒 玄參 桔梗 各七分 甘草 二分

防風 五分 萊豆 十四粒

右水煎服

三黃熟艾湯

痘後咽塞喉痺

黃連

黃芩

黃柏

艾葉

各等分水煎服

腰痛

瘡疹發熱先腰痛者最忌經曰腰者腎之府也又曰太陽所至為腰痛蓋足太陽膀胱經為十二經之首其脉俠脊入循膂絡腎瘡疹之毒起於右腎之下循足太陽膀胱散於諸經乃邪由裏傳表也如初發熱其腰即痛此邪由膀胱直入於腎故關節不利而腰痛急解毒以

瀉少陰之邪發表以通太陽之經此邪氣不得以深入  
瘡雖稠密或可愈也治若少緩則太陽之邪由表以傳  
於陽少陰之邪由裏以傳於陰表裏受病陰陽俱傷榮  
衛之脉不行臟腑之氣皆絕莫為黑陷或為瘡塌終莫  
能救矣 凡發熱便腰痛者先服人參敗毒散 初熱 次  
服五苓散加獨活細辛主之 薛痘瘡而見腰痛證者  
皆因腎經虛怯相火內燥真陰不能勝邪故腰作痛也  
急服地黃丸以防變黑歸腎乃克有濟大抵此痘因稟

賦腎家精氣不足故目睛多白俗謂之折腰痘是也若平素面白眼白睛多行遲語遲者出痘必歸腎經預為調補腎氣庶免此患 一小兒十三歲眼睛多白或時面赤常患頸痛尺脉洪數先君謂稟腎氣虛用地黃丸料煎服而愈至十五歲出痘先君云須多服前藥仍用地黃丸益氣湯更加倦怠乃以地黃丸大劑煎與恣飲又用大劑八珍湯痘漸出如式恪服前藥至替歲二藥計十七觔餘而瘡先君每見嬰兒白睛多面色白或赤

色令其預補脾腎以防出痘但信者少耳 一小兒出痘腰痛足熱發渴此稟腎虛火動也先君用大劑加減八味丸料煎與恣飲諸證漸退佐以大劑八珍加紫草糯米數劑膿漸灌仍用前藥而結痂用八珍湯而靨一小兒出痘將愈因停食泄瀉作渴腰痛此脾腎虛弱也先君用加減八味丸料及五味異功散渴瀉頓止又與六味丸料及八珍湯而靨 一小兒面色常白目睛多白時常腰痛兩足時熱冬不衣綿年九歲先君謂稟

腎虛令每日服地黃丸至十歲出痘腰痛發渴面赤飲  
冷用地黃丸每劑加桂附半錢煎與恣飲數劑之後熱  
渴頓止腰痛頓愈却去肉桂仍與服之至五十餘劑而  
厲

加味地黃丸

熟地黃

酒浸蒸透晒干  
八兩酒拌杵膏

山茱萸肉

乾山藥

五味子

炒各四兩

澤瀉

白茯苓

牡丹皮

鹿茸

炙各三兩

肉桂

厚者去皮取肉一兩發熱者以此  
加之引虛火歸腎經而熱自止也

右各另為末入地黃和勻量入米糊丸服煎服更好

羌活當歸湯

治腰腎痛初發熱時便宜服之

羌活

當歸

獨活

防風

川芎

黃蘗

各一錢

柴胡

一錢五分

桂枝

七分

桃仁

紅花

各八分

酒水各半煎服

又方治腰痛有蒼朮漢防已

如神湯

治腰痛

當歸

桂皮

玄胡索

各等分

右為末酒下二三錢

腹痛

婁痘腹痛多是痘毒當臨證消息

萬內經腹痛皆屬

於寒惟有一證為熱瘡疹腹痛皆屬毒熱也訣云發熱  
肚中痛癰瘡腹內攻發多防不透發少更防癰是已或  
有兼食積者 翁痘疹腹痛者由毒鬱於三陰臍以上  
屬太陰當臍屬少陰小腹屬厥陰須分別之腹脹者毒  
聚於腸胃也治法俱當升發解利痘毒兼分利小便使  
毒氣上下分消則痛與脹自止故曰痛隨利減脹以利  
消俗醫以厚朴行滯氣而不知升發解利非其治矣亦  
有乳食停滯不消化而腹脹者當以升發解利藥中加

消食之劑所傷之物當審其寒熱又有數日大便秘者大便行而痛脹自止亦未可驟用硝黃也

定痛散

傷寒肚痛及冷氣痛

神麴

香附

各一錢

山查

二錢

良薑

當歸

甘草

各五分

右用薑三片棗二枚水煎服手足逆冷加大附子

二分

桂枝芍藥湯

治腹痛

桂枝

炙甘草

各一錢

芍藥

酒炒  
二錢

生薑三片棗二枚水煎服

黃連湯 治熱毒在胃腹痛時或欲吐此藥能升降陰

陽 黃連 炙甘草 乾薑 桂枝

各二錢

半夏

人參

各八分

棗二枚水煎服

一味異功散 治小兒諸般釣證角弓反張胸膈臍凸

以透明沒藥為末薑湯調下

紹定論云病有似是而非若同而異者蓋肢體厥冷而

腹痛者此毒氣在裏也若不審諦必作極冷治之反與熱藥為害愈深未冷極者不問有無寒熱肢冷腹痛必大便自利踰卧惡寒今身熱肢冷腹痛大便不通乃熱毒在裏熱甚則發厥仲景所謂熱深厥亦深也伏熱深而瘡疹不出者宜以蟬蛻末水煎服之已出者亦可服毒氣得泄則四肢溫煖腹痛自止矣前人論腹痛有虛實腸鳴自利而腹痛者為虛痛是冷也腹滿而不大便者為實痛是熱也今腹中痛而不大便又身熱耳尖冷

脚冷為瘡疹證明矣又有瘡疹始發腹中有宿塊而痛者醫不能辨誤作食積下之多天橫矣薛前證痘未出而發熱煩凡作渴飲冷大便堅實此熱毒壅滯也用疎利之藥萬凡發熱腹內便痛者此毒氣內攻也急宜發表疎裏桂枝大黃湯主之亦有外邪與毒相併至未盡出而腹疼脹滿者宜參蘇飲去參苓加硝砂陳皮溫而出之若原無腹痛發熱二三日後大便不通而痛者此燥屎與毒相併而痛也三黃丸熱七物升麻丸

初熱 宣風散

痘熱

擇而用之有譫妄狂亂者三乙承氣

湯主之

便秘

原無腹痛或因飲冷水而痛者此冷痛也

理中湯

吐利

加桂心或因多食而痛者此食積痛也微

則木香大安丸

傷食

甚則備急丸

傷食

丁香脾積丸

傷食

原物湯下

原無腹痛自利後痛者此虛痛也黃耆建

中湯加木香青皮

發熱自利又腹痛者此亦毒也黃

芩湯

吐利

加木香青皮或化毒湯主之如瘡乍出乍隱

此伏也七物升麻丸瘡出盡者再以紫草飲

出不快

大發

之瘡不出者勿治 張痘未出有先作腹疼或腹中有塊者乃腹中先出也不可投疎利之藥以戕賊胃氣但與和平勻氣兼發散藥如升麻湯參蘇飲之類

蟬蛻一物湯 用蟬蛻貳拾壹箇洗去泥為末水一盞慢火煎至半盞去滓量兒大小溫服之如覺瘡疹已出便依前服三五次不是瘡疹亦無害小兒瘡疹欲發出加甘草壹錢五分煎一盞 與服累効小兒

伏所蘊積熱毒蟬蛻味鹹寒可以制況有暴感風作

熱客於表者蟬蛻亦治風毒充於皮膚瘙癢不止驚  
癇夜啼癲疾寒熱驚悸皆宜服之

桂枝大黃湯

桂枝

白芍藥

各二錢半

甘草

五分

大黃

一錢半

右剉碎加生薑一片水一盞半煎一盞去渣溫服食  
前

桂枝芍藥湯

桂枝

白芍藥

防風

黃耆

甘草

各等分

右剉細加棗子二枚水一盞煎七分去渣溫服

黃耆建中湯 黃耆 人參 桂枝 白芍藥 甘草

各等分

右判細加生薑三片棗二枚水一盞煎五分去渣溫服

化毒湯 肉桂 五分 白芍藥 甘草 各一錢 青皮 木香

枳殼 各七分 山楂肉 連翹 各五分

右判細水一盞煎七分去渣溫服不拘時

汪一女傷寒但腹痛甚日夜啼哭手足厥冷漸至危殆

此時天時痘災吾疑或是痘證遂取生豬血急用腦麝和灌一服得睡須臾痘出而安若非此方則天橫矣

萬痘已出而腹痛亦是毒在裏未曾出透亦宜桂枝

大黃湯起發不透腹痛者陷伏也亦宜三乙承氣湯

便秘及宣風散痘發熱

薛痘已出而不熱躁不飲冷大便

不實此元氣虛弱也用白朮散之類補之張出不快

而腹痛者活血散

即一味白芍藥見出不快

以薑湯調下若毒氣

瀰蔓陽毒入胃便血日夜無度腹痛啼哭者牛黃散主

之 又有一等將成內潰之證而腹痛者當預防之七  
日前內潰蓋因風寒所中腠理固密陰陽二分壅塞不  
通其毒內攻臟腑之間毒火炮熾以致胃爛潰而成膿  
口舌皆白是其驗也此證極為慘毒識者知痘毒未出  
之時或有風寒阻隔氣滯熱甚身必戰動腹肚急疼者  
是欲成內潰也急以和解湯升麻湯初熱逐散寒邪開  
泄腠理縱毒而出庶無此證若證已成而治之亦無及  
矣

牛黃散 治瘡疹陽毒入胃便血日夜無度腹痛啼哭

牛黃 一分 鬱金 一兩

右為細末每服半錢以漿水半盞煎至三分和滓溫服量兒大小以此增減日二服

和解湯 三日前後用

升麻 芍藥 葛根 人參 川芎 甘草

防風 羌活

各四分

右用水一鍾半生薑三片煎至五分溫服

丹吳店子出痘瘡腹痛

丁香

二枚

官桂

芍藥

各一錢

白朮

當歸

各五分

右作一貼服

如身不甚熱或時發寒或嘔吐六脉虛細四肢逆冷而腹痛者陳氏木香散主之

痘瀉利

腹痛面青而手足冷

者脾胃虛寒證也宜益黃理中輩主之  
理中湯加白芍藥桂

右三條以溫藥治寒痛例作渴飲湯手足並冷者宜

之

婁嘗治痘始出腹痛或身痛脉洪數者解表涼藥加芍藥甘草漸安 按解表涼藥即升麻湯連翹升麻湯雙解散之類加者倍而用之也

右一條以涼藥治熱痛例作渴飲冷水足並熱者宜之

如瘡已出至收靨時原無腹痛忽然作痛此必有飲食也消息審問曾因飲冷水者五苓散主之或用黃耆建

中湯加白朮乾薑人參曾傷食者問傷何食丁香脾積丸主之用原物湯送下 張傷食腹痛不可用巴豆大

黃蘗只宜平胃助氣之劑如平胃散小異功散橘皮湯

吐逆

皆可

薛噯腐吞酸大便穢臭乳食停滯也用保

和丸消之

傷食

若瀙後傷食食蒸發擗而嘔吐腹痛

者治法見驚擗條

瀙後熱多大便實糞黑腹痛者畜

血也犀角地黃湯主之

如發熱時心腹絞痛煩悶叫呼或瘡陷伏脹滿疼痛喘

促者此毒惡之氣攻刺腸胃燭灼臟腑必不可治

### 腹脹

凡痘子腹中常宜寬舒為裏無邪若腹脹滿須審其傷食否及大小便何如如曾傷食微滿不痛者木香大安丸脹滿腹痛甚者丁香脾積丸俱傷食小便不通百祥丸

黑陷

大便不通者宣風散

發熱

主之此上諸證皆實脹

者也故宜利之若自利腹脹乃虛脹也陳氏木香散

泄利

主之腹脹分虛實寒熱錢氏云身熱煩躁腹滿而

喘大小便澀面赤悶亂大吐者當利小便不瘥者宣風散下之此實熱治例也 陳文中木香散治痘瘡腹脹

渴瀉此虛寒治例也 薛氏撮要云腹脹瀉渴脾胃虛

寒也用大異功散

出不快

參耆內托散

即十補散出不快

治之若

前證而兼氣促體倦乃脾氣虛也用白朮散渴加木香

煎送四神丸

泄瀉

如腹脹作喘大便秘手足並

冷乃脾氣虛也先用葶藶木香散

喘

次用小異功散

吐瀉

一二劑自愈此平補例也

初熱時腹脹痛者由毒氣

與外邪相搏欲出而不得出也用參蘇飲加縮砂陳皮

去參苓服之

挾有表證者宜此

身熱脉數大便秘而腹脹此

熱毒壅遏也當微下之或瘡半未出而喘息腹脹其人

大便不通煩躁作渴譫語不安者當急下之俱用紫草

承氣湯

挾有裏證者宜此

丹溪用桔梗枳殼湯二陳加枳殼

湯若虛弱自利四肢厥冷腹脹發噦者裏氣虛也薑

附理中輩急救之

紫草承氣湯

厚朴

二兩

大黃

四兩

枳實

紫草

各一兩

右為粗末每服五錢水半盞煎二三分溫服以利為度如未利加芒硝一錢

桔梗枳殼湯

枳殼

桔梗

各二兩

甘草

五錢

右剉每服三錢薑二片水煎服

二陳加枳殼湯

枳殼

半夏

茯苓

甘草

陳皮

各等分

右剉每用三錢薑二片水煎服

若瘡既出而腹脹者有二證一則陰陽不和或因作熱

煩渴飲冷過多或誤投涼劑熱為冷所激欲出不能毒  
不能發越故令腹脹其人必不能食二便利腹中虛鳴  
甚者氣喘發厥瘡白無血色者多致不救急當以溫中  
藥疎逐冷氣不可又用宣瀉之藥以重其困如小異功  
散

吐瀉

木香散

痘瀉

俱可用王中陽云木香散性溫平

能和表裏治腹脹瀉渴有如神之效一則毒氣陷伏入  
裏必有他證相雜或煩躁大渴或大小便秘或啼哭不  
止但用溫平解毒快氣之劑如人齒散

黑陷

活血散

出不

快之類 又有小便赤澀而心腹脹滿別無他證者此

伏熱在胃則中有所隔上為心氣不降故小便澀少而

赤下為陰氣不升故腹中脹滿董氏用四聖散

快出不以

發出其毒則胃熱自散矣 若出太盛而面黃大便黑

煩躁喘渴腹脹者此有瘀血在裏也治法見渴條若出

太盛至當結膿窠痂疔而不結能食而喘腹脹謔語不

大便者及屬後腹脹喘渴大便利小便澀者治法俱見

喘條 痘瘡起發而腹脹者二證同前陰陽不和者瘡

痘正發熱毒方盛必生煩渴宜以葛根解毒湯人參麥

門冬散人參白朮散

並見痘渴

之類與之不知此理或飲冷

過多或誤投涼劑熱為冷所激欲出而不能冷熱相搏

毒不發起故令腹脹且傷於冷者急當以溫中藥疎逐

冷氣冷氣散則腹脹自消益黃散

脾

去甘草加薑製厚

朴甚者氣喘發厥瘡白而無血色多致不救陳氏木香

散

泄利

聖方也昧者反用峻下之藥致令重困而死其

毒氣臨伏入裏者但用溫平解毒快氣之劑紫草飲子

主之 起發 若腹脹而目閉口中如爛肉臭者其證為大惡

丹勉奴痘後渴肚急小便少發熱 芍藥 白朮

陳皮

各五分

川芎

乾葛

各三分

甘草

炙一錢半

木通

二分

右用水煎服

寄子五歲痘後肚急

白朮

一錢

陳皮

木通

各五分

犀角

川芎

白芷

各七分

甘草

炙三分

右用水煎服

加味透肌散

人參 黃耆 白朮 芍藥 川芎 甘草

茯苓 木通 陳皮 糯米 厚朴 大腹皮

右各等分為粗散薑棗煎服

紫草厚朴湯 治痘瘡煩悶痞滿或堅急或結聚不散

紫草茸 一錢二分 枳實 黃芩 黃連 厚朴 各一錢一分

露蜂房 白茯苓 山豆根 麥門冬 桃仁

石膏 旋覆花 各二錢 蟬蛻 升麻 各八分 白朮 五分

右判散每服四五錢水煎食遠溫服

紫草枳實湯

治痘瘡腹脹或熱毒或因傷冷所致

紫草茸

鼠粘子

各一錢二分

厚朴

苦參

各一錢一分

白芍藥

貝母

枳實

訶子

肉豆蔻

各一錢

蟬蛻

桔梗

白朮

各五分

升麻

七分

甘草

六分

右判散每服四五錢水煎食遠服

葶藶木香散

喘

木通芍藥湯

治痘瘡作渴腹脹小便不利 木通

芍藥

白朮

各五分

川芎

陳皮

乾葛

各三分

甘草 二分

右用水煎服

薑附湯

治瘡疹半出而半不出或出盛時却下利支

厥嘔逆腹脹吃噫須急與理中丸四逆薑附湯之類

不須疑已試之驗也大便自利腹脹者是熱毒被冷

所播不能出冷甚則為下利其毒小得出則為腹脹

當此以理中丸四逆薑附湯等服之裏復溫則利止

熱毒得復出則腹脹自消瘡疹亦自出矣又有瘡疹  
半出半未出或出盛時却大便不通小便赤澀喘滿  
腹脹而唇齒乾口燥渴引飲譫語者當急下之此證  
是毒氣壅滯欲出而出不辨故腹脹下之熱毒散榮  
衛伸則裏脹消外瘡出合溫合下皆得其疑不可不  
述之若下膿血而腹脹者又非此證宜服南金散乳  
香豬血膏理中丸薑附湯

痛癢

諸痛為實諸癢為虛謂之實者邪氣實也謂之虛者正氣虛也又瘡疹為火火成則痛火微則癢故常作痛者此邪氣之實也蓋瘡疹之毒發於皮膚肌肉之間氣以束之血以潤之醞釀其毒以抵於化正氣周旋而不舍毒氣變化而未成鬱而作痛此其常也毒化膿成其痛自止若肉如刀剗膚如錐刺一向痛而不止大叫多哭此則皮傷肉敗不勝其毒又痛之變也常作癢者此正氣之虛也經曰胃者水穀之海六腑之大原也五味入

口藏於胃以養五臟胃氣既虛則水穀不化津液內竭不能輸精於皮毛氣失其衛血失其榮不能醞釀毒氣以至於成使毒氣浮沉隱伏聚散倏忽灼於皮毛所以瘡也此其為異補其氣血和中托裏其瘡必止若一向瘡瘻時甚一時爬抓破壞皮脫肉坑者此毒氣內陷正氣外脫不旋踵而告變矣如先痛後瘡者此常候也蓋先則毒未解化其火正盛宜爾作痛厥後膿成毒解火氣漸微宜爾作瘡也

痛

活人書治痘瘡痛用溫驚丸

驚

水化下

海藏治瘡出

煩痛用五物木香散

薛云若身後痛屬膀胱經也用

菴活荊芥甘草湯

即此三味等分

身前痛屬肺金也用升麻葛

根紫草湯身側痛屬膽經也用柴胡山梔連翹防風湯

即此四味等分

四肢痛屬胃經也用防風芍藥甘草湯

即此三味等分

以急止之蓋恐叫號傷氣忍痛傷血而變證矣若熱氣

盛者用東垣消毒散

大法

或仙方活命飲

痘後餘毒

食雞魚

葡萄酒物者用東垣清胃散生犀汁若發熱飲冷大便

調和用四物連翹牡丹皮若發熱飲冷大便秘結脾胃

實熱也用清涼飲

發熱

若發熱作渴飲湯者脾胃虛熱

也用七味白朮散

渴

大凡痘切不可食毒物恐作痛致

傷元氣輕者反重重者難治大人亦然 痘瘡起發痛

者有<sub>二</sub>一則毒邪欲出氣血隨之肌肉<sub>弛</sub>急而痛九味

順氣散

起發

合活血散

出不快

主之一則皮膚厚肉理密

為外寒相搏而痛桂枝葛根湯主之

初熱

五物木香散

治瘡出煩痛

青木香 二兩

丁香

零陵香

各一兩

麝香

一分

白礬 一兩

每服四錢水一小盞半煎服之熱盛者加犀角一兩

如無犀角以升麻代之輕者一服大效

又方以芒硝和豬膽塗瘡上令動痂落無瘢仍用黃土  
抹之良此病小便澀有血者中壞瘡背黑腐不出膿  
者死不療

青黛散

治痘未作膿痛甚心膈煩躁睡卧不安並宜

服之

真青黛如棗核大水調服之即安

世痘將結靨乾硬而痛宜塗酥潤之靨可揭去則去之如無酥用豬油煎汁代之此痛非服藥可免也

身痛

經云諸寒為痛又云痛則為實內快外痛為外實內虛外快內痛為內實外虛今痘瘡身痛者是皮膚厚肉理密或為外寒相搏或熱毒內作或血虛不能榮養宜審

而治之 滄洲翁云凡瘡發身痛不為外寒所折則肉

腠厚密宜分而治之若紅點方見為寒所折而內體有

熱宜木香參蘇飲輕者消毒飲或葛根升麻加芍藥湯

肉腠密者宜活血 合勻氣散 外寒搏者必兼有表

證如和解湯攻毒散去柴胡前胡皆可用若兼發熱頭

痛惡寒咳嗽者參蘇飲主之 熱毒內作血瘀而痛者

先用活命飲

瘡瘍

次用消毒救苦湯

痘大

血虛而瘀

因作痛者四物湯之類

遍身如蠶色黑者毒氣壅滯

而血凝也乃是危證若二便秘結喘急煩躁用梔子仁湯或豬尾膏血調片腦治之自利不食者不治

消毒飲

牛蒡子

三錢炒

荊芥

一錢

甘草

五分生用

防風

去蘆五分

右細切作一服水煎加生犀角尤妙

葛根升麻加芍藥湯

升麻葛根湯倍芍藥是也

活血散

出不快

勻氣散

即濟生方八味順氣散加木香也

白朮

白茯苓

青皮

陳皮

白芷

烏藥

人參

各五分

甘草

炙二分半

木香

一分半

右細切作一服水一盞煎七分服或細末酒調亦可  
瘡塌

訣云虛則癢熱則痛此大槩言之痘瘡之癢其候不同  
有初出時便身癢爬搔不停者此邪氣欲出皮膚開密  
其火游移往來故癢也與傷寒太陽病身癢汗不出者  
同論可發之使皮膚縱緩腠理開通邪氣得洩瘡出而  
癢去所謂火鬱則發之者是已有將收較而癢者其膿  
已成其瘡將回邪氣散而正氣復榮衛和暢故癢也與

癰癤將痊而癢者同論不須服藥但謹護之勿令撻搯以致腫潰所謂美疾者是已有起壯泡漿而癢者當血已化水水未成膿之時其毒未化渾身瘙癢爬搔不寧此惡候也與傷寒陽明經病皮中如蟲行者同論所謂虛風外搏邪氣內強癢而不止為泄風者是也此視瘡之乾濕以風藥佐之必令癢去方為佳兆若癢甚不休瘡壞皮脫其毒復陷謂之癢塌必不能治矣大抵出形而皮肉紅艷起發而皮嫩多水者其後常致癢塌也

凡痘子癢癢者須於形色上詳審如瘡一向起發紅活  
光壯肥滿忽然癢癢者此穢氣所觸也宜內服十全大  
補湯汗外用茵陳熏法起發其破者以白龍散敷之如

瘡本乾 又添癢癢者火甚也如瘡原帶水皮肉嫩薄  
又癢者此溫熱也擺頭扭項手足動作昏悶者死證

如初出身癢者可發之桂枝葛根湯初熱加製麻黃牛

蒡子主之 如起發癢漿而癢者通用十全大補湯汗

加防風牛蒡子主之 起發身癢有二證一則血氣不

足其瘡為虛十全大補湯主之一則不能食淡以致發

瘡蟬蛻膏主之

初熱

如瘡乾而瘡者宜養血潤燥以

四物湯

失血

合消風化毒湯奪命丹

起發

主之外用茵

陳熏法

如瘡濕而瘡者宜養氣去濕以四君子湯

不能

食合消風化毒湯奪命丹主之外用茵陳熏法

凡瘡

子已熟忽作瘡瘡抓破者此脾胃虛弱不能榮養肌肉

也內服四君子湯加黃耆官桂外以敗草散

潰爛

主之

如因自利脾胃虛致瘡塌者陳氏木香散

泄利

異功散

出不快 主之 如瘡將收而作癢誤犯破損不肯乾較者

用白龍散貼敷 丹溪法於形色脉上分虛實實則脉有力氣壯虛則脉無力氣餒實癢則勢熾虛癢則勢怯虛癢以實表之劑加涼血藥實癢以大黃寒涼之藥少許與之下其結冀 滄洲翁法主血氣不足用十補托裏散及木香散加丁香官桂胃主肌肉尤宜四君子湯加芎歸木香紫草煎服或患者不能忌口因食毒物而作癢者二物湯百花膏或四君子湯加解毒藥 陳氏

法痘瘡作癢抓破成瘡膿水淋漓者由血氣衰肌肉虛

也宜用木香散

瀉

加丁香肉桂及敗草散

收靨

切忌用

牛糞灰

聞人氏法癢有二證一則氣血不足其癢為

虛活血散

出不快

或四君子湯加黃耆枳殼主之

左中怨用十全

大補湯十宣內托散

一則不能食淡以致癢蟬蛻一物湯主之

痘腹

痛

魏氏法以保元湯倍加黃耆少加芍藥

或云首

尾癢塌保元加牛蒡子白芍藥何首烏何首烏有紅白

二種名為雌雄必須煎下有效忌鐵

王汝言云痘瘡

虛怯淡白色瘡塌此屬虛寒宜用陳氏法若發熱壯盛  
齊湧紅紫色燥癢此屬熱毒宜用涼血解毒之劑 薛

氏云前證皆因氣血虛弱所致預為調護使氣血和平  
庶無此患又必察其外證色白者用四君之類色赤者  
用四物之類 袁氏云囊貯半漿而作癢者可以療止  
必當用參耆芍藥升麻附子之屬不宜投寒散之藥若  
焦貼皮膚作癢者不治空殼連滿作癢者不治

參耆內托散 治裏虛發癢瘡不潰倒靨 人參

黃耆

炒

當歸

川芎

厚朴

薑製

防風

各五分

桔梗

白芷

官桂

各二分

木香

甘草

各三分

紫草

五分

右入糯米一撮水煎量服之 寒戰咬牙飲水瀉渴

亦宜服

紫草木香散

治痘瘡裏虛癢塌黑陷發熱

紫草

茯苓

甘草

白朮

木香

人參

各等分

糯米

右每服三錢水煎

消風化毒湯

防風

黃耆

白芍藥

荊芥穗

桂枝 牛蒡子

升麻

各等分

甘草

減半

右剉碎加薄荷葉七片水一盞煎七分去渣溫服無

時

丹治痘瘡癢塌不掩

白朮

一錢半

黃耆

當歸

陳皮

各五分

甘草

炙些

右水煎溫服

予治一子七歲痘將出未出之際腹泄數行其泄色黑不發根窠三日後癢塌抓即黑色口渴其根窠如水疥

狀不紅澤不起發食少脉浮數有力按之虛遂用參耆  
歸朮陳皮肉豆蔻為君炙甘草訶子桂為佐使水煎熟  
好酒些少咽下瘡立止食立進根窠紅澤而起發二服  
全愈

蟬花散

治痘疹不拘前後始終遍身作瘡抓破皆治

之

蟬蛻

去頭足洗去土微炒一兩

地骨皮

炒黑色一兩

共為末每服一茶匙水酒送下一二服神効

二物湯

蟬蛻

淨洗二枚

甘草

炙一兩

右為末水煎時時服之

盒脾散 痘至八九日期倏然身中臁癢此痘證之最

急者以此治之 炒木 芍藥 生地黃 甘草

升麻 荊芥 防風 陳皮 大腹皮 殭蠶

蟬蛻

右水煎服

震澤湯 人參 黃耆 芍藥 生地黃 防風

甘草

右水煎服

天元二仙丹

渾天湯

人參乳浸

黃耆

生附子

煨麴

各一兩

四味另研細方和合一處白蜜調勻量兒大小加減  
十歲以上一錢十五歲以上二錢服後隨以振元湯  
連進餐遂止矣

七星丸

黃耆

芍藥

錢各二

人參

桂心

錢各一

黑魚

箇一

右前四味共研為末置黑魚肚內升麻酒煮熟與痘

瘡者連藥食之凡上焦瘡吃頭中焦瘡吃身下焦瘡吃尾亦驗方也

白龍散 用乾黃牛糞在風露中多久者火煨成灰取中心白者為末薄絹囊裹於瘡上撲之

浴法 經霜桑葉上蘇梗中升麻上荊芥穗中防風中

水煎十數沸候溫拭體

瘡甚欲搔者以烏羽輕拂之以細茶當歸黃耆玄參燒煙熏之或以鐵器燒紅置醎醋中於室中熏之 丹輕

者用淡蜜水調滑石末以雞羽潤瘡上 陳痘瘡難任

搔之成瘡或膿或血出者敗草散治之切不可用牛糞

灰貼則臭穢癰癤多矣

方見收  
屬證治

小兒痘瘡瘰癧難任悞

搔成瘡及瘡痂欲落不落用上好白蜜一味塗於瘡上

其痂易落可無紫黑癰痕 世傳痘靨落後痘毒不盡

變成癰癰其瘰癧難任用陳年臘脂油傳神妙 又方用

羊髓骨髓塗瘡効

方見落痂證  
治痂不脫條


爬破萬凡痘子膿成漿熟或瘰誤犯破者只復灌爛不

能成痂若膿漿未成之時不可犯破半箇必然癢塌而死  
袁敢問有爬破囊房膿血淋漓而死者有爬破囊  
房乾枯脫皮而死者其故何與曰木枯則自折土燥則  
自裂痘之囊房空虛則臬贅自作欲其不搔爬也難矣  
但爬破於不關軸之處猶可以全活若臉顴氣窩命之  
要轄也於茲爬脫死在旦夕彼爬破而膿血淋漓似乎  
氣血交養本不宜死也而有死者豈痘之不分美惡乎  
要知魚得水而肥鳥得林而棲痘囊既破膿血淋漓既

竭則元氣耗絕矣元氣既竭烏得不死耶評云膿血流來痘可生只因灌破走黃金任教爐火工夫到棄了黃金惱殺人喻言極是謝冲霄說女媧煉五色石以補天皮脫可藥紙以封之斯言謬矣

治痘瘡抓碎出血黑虎丹歌曰綠衣聯蒂與囊皮孔裏烏金統用之慢火置於新瓦炙燒時存性効真奇痘經抓破惡梟攻須識王真一笑翁荊芥防風香白芷綿耆芍藥建奇功按古方有用敗草散抹者有用蕎麥粉

抹者有用蛤粉摻者有用文蛤末摻者總不如黑虎丹之妙也



證治準繩卷八十六

欽定四庫全書

子部

證治準繩卷八十七

詳校官太醫院吏目臣朱桂

編修臣倉聖脈覆勘

總校官進士臣朱鈐

校對官助教臣羅萬選

膳錄監生臣毛杞

欽定四庫全書

證治準繩卷八十七

明 王肯堂 撰

幼科

心臟門

陷伏倒靨

伏者毒畜於裏而不出也陷者毒出而復陷入也此皆惡候伏惟一證陷有數種伏候於見形之時其人瘡出

熱不少減煩渴悶躁此有伏毒未得盡出也陷則見形之後其血漸乾而變黑者謂之黑陷漿水未成破損瘡塌者謂之倒陷膿成復化為水不肯結痂者謂之倒靨亦陷類也其瘡黑色皆謂之黑陷凡癰疹黑色皆不治之以腎為水其黑色乃腎之真臟色見也粗工不知變黑歸腎之理妄謂腎不可實欲瀉腎而使之虛不知人之一身大言陰與陽小言心與腎即方家所謂真水真火也瘡疹之火發於中賴此一點真水以制其光若欲

瀉之則火無所制本先撥矣豈治之要哉然謂歸腎者以腎主骨髓又主閉藏也蓋瘡疹穢毒由骨髓達於筋肉皮毛之間乃自內而外其毒得洩今既陷伏則自外而復入於內藏於骨髓謂之歸腎也又初出形之時春氣發生之令也出形而黑是春行冬令矣故皆謂之逆結疔之時冬氣閉藏之令也此腎之正候若不著痂膿水浸潤此冬行春夏之令亦謂之逆惟知造化之巧可以語歸腎之說其色黑者火化也觀物之乾者其色黑出

於火者色亦黑豈可謂之水乎經曰火發而曠昧知此

可以語黑陷矣 凡瘡伏而不出者雙解散主之

初熱

瘡點色白或黑色其人必不能食乳大便自利或嘔或

厥此胃虛弱而不能副榮衛故也宜用溫中之劑令其

胃煖榮衛復行則當自出矣宜理中湯

瘧吐利

丁香煮散

瘧吐之類 如倒陷者看其大腑何如如大小便秘四

順清涼飲

發熱

合奪命丹

見形

主之

泄利氣弱者十全大

補湯

汗

合奪命丹主之

並外用胡荽酒水楊湯

俱起發

丹溪先生云痘瘡倒陷因真氣虛而毒氣不能盡出者用黃芪人參紫草酒製治之若將成就之際却淡色者屬血虛用當歸川芎之類或加紅花紫草屬熱毒者用升麻苓連梗翹之類甚有用犀角屑大解痘毒薛竊謂前證若熱毒方出每被風寒閉塞肌竅血脈不行身體作痛或四肢微厥癰點不長或變青紫黑色者此為倒靨若胃氣虛弱不能一袖接榮衛出而復沒者謂之陷伏誤用解毒之藥必致陷塌若喜熱飲食手足並冷

者乃脾胃虧損陽氣虛寒之證宜用辛熱之劑補之喜  
冷飲食手足並熱乃陽氣實熱之證宜用苦寒之劑瀉  
之外感風寒者溫散之毒入腹者分利之陽氣虛者溫  
補之外寒觸犯者熏解之 自昔謂白陷不可救蓋痘  
色白者必變為灰慘灰慘者必至於平伏倒塌故謂之  
白陷此固由氣虛所致然血不華色血亦本虛治法須  
兼氣血為當血活氣行自可變而為紅自不至於陷塌  
矣若單補氣則氣愈燥熱勢必陷伏故自陷抓破皮薄

乾燥而極癢者由失於補血致氣盛極而燥也愈用補氣之藥速死之兆也故凡見痘色白者無分先後皆以補中益氣湯合四物湯治之內有熱者加解毒藥或利小便若待白陷已成而後治之難為力矣痘有紫黑陷灰白陷紫黑陷者乃血熱乾滯而氣亦不能以運行有餘之證也急治之猶多可活灰白之陷乃元氣衰敗故不能起發而血亦不得通貫不足之證也多難救治如將起發瘡亦有水但色黑黯者以十全大補湯汗

調無價散主之或以快癰湯

形見奪命丹合而服之

如倒靨者亦視其大便何如

大便秘宜利之三黃丸

四順清涼飲

俱發熱

泄利者宜補之輕則十全大補湯

重則陳氏木香散

瀉

並外用敗草散

狀靨

主之

龐安常鬱金散

癰疽始有白泡忽搖入腹漸作紫黑

色無膿日夜叫煩亂者

鬱金

一枚

甘草

一分

水半碗煮乾去甘草切片焙乾為細末入腦子半錢

同研一錢七用生猪血五七滴新汲水調下不過二服甚者毒氣從手足心出如癰狀乃差此是五死一生候也

四聖散。黑陷倒靨不起發不紅活小便不利

紫草 黃芪 甘草 木通

右水煎服 熱甚色紫倍加紫草苓連紅花大便秘加枳殼如常加糯米

參芪內托散

見瘡塌

無價散 用人猫猪犬糞臘月內燒為灰沙糖水調服  
南金散 治痘已出而復癩其勢甚危諸藥不效者萬  
無一失

紫背荷葉

霜後搭水  
紫背者

白僵蠶

洗去絲  
炒乾

右為末等分每服看大小大者一錢小者五分研光  
姜汁和酒下米飲亦可 治此證多有龍腦人牙  
者卒難措辦惟此無毒而効且速但紫背者甚難得  
可於鹽鋪內尋之

橄欖飲 治倒靨

橄欖從中截斷水服少許服之立發

白花蛇散 治痘疹黑陷倒靨

白花蛇

連骨一兩火  
炙乾勿焦

丁香

二十  
箇

共為末每服五分或二分熱酒送下如黑陷者移時  
轉紅甚效

羅浮方治塌陷痘歌曰烏蛇全蝎與殭蠶帶肉穿山甲  
與纏四樣淨該均一兩綿芪官桂倍加焉白酒煮濃隨

意服見多陷痘得迴全 愚每用此全活甚衆但殭蟄  
須要去絲清水洗去石灰再曬乾烏蛇須用尾極好穿  
山甲先酒洗焙乾用 袁氏治倒靨歌曰倒靨原為痘  
後難只因氣血兩相殘參芪歸地併蟬蛻連綿進服靨  
自還 又曰倒靨血不止名為迴陽泉若犯胸脇地十  
來九不全速覓胭脂胚血竭加一錢燒之俱存性點上  
血収痊 予見痘後倒靨人多妄用浴法枉殺人男女  
若痘後結痂厚壘不能脫起或半脫而半在或四圍脫

而中心錐痛者準用後方

生蜜 蘇合油

二味調勻用銀簪敷於脛盤沿處其痛即止而脛自  
速脫並無滄血鑠肉之患如無蘇合油只以線雞油  
代之甚妙

黑陷

萬水火者陰陽之迹也坎離者水火之位也心腎者坎  
離之配也故水陰也而生於陽離中之陰乃真水也火

陽也而生於陰坎中之陽乃真火也陰根於陽陽根於陰互為其根所以能變合而生萬物也孔子贊易以坎為血卦為赤離為鼃為蠃為螺為蚌為龜其義可見以人身言之血陰也氣陽也心配離而生血陽中有陰乃真陰也腎配坎而生氣陰中有陽乃真陽也故心中之血即腎中之真水也灌溉滋濡水之德也腎中之氣即心中之真火也响噓鼓動火之象也然水善而火惡老子曰上善若水下愚若火善惡之分也況人之兩腎左

為水右為火經曰七節之旁中有小心小心者命門相  
火也以其為君之相故云小心行君之令故云命門也  
夫以一水立乎二火之間其不勝也明矣運之於中而  
使火不赫曦水不涸流者有神以主之也所謂神者何  
物也太虛之中神之棲也然水火不並立各有所勝盛  
衰之變此其常也故勝則薄所不勝而乘所勝也命曰  
氣淫衰則所勝妄行而所生受病所不勝薄之也命曰  
氣迫瘡疹之火起於命門之下二火相合所謂得助者

強也相火復挾君火之勢肆其猖獗銷鑠燔炳無所不至可恃者心中之真水尚有以制之奈何陽道常饒陰道常乏赫曦者其氣淫涸流者其氣迫并真水亦亡而已矣經曰成敗倚伏生乎動動而不已則變作焉真水既亡津液暴絕其氣滯其發燥槁不能潤乎皮毛滋乎腠理而瘡中之血亦乾而黑矣是則變黑者血色本赤而乾則變黑也謂之歸腎者血本腎中之陰血乾則腎水亦乾矣此腎虛之證豈有腎實為邪之理乎 邵子

觀物篇曰東赤南白西黃北黑此正色也驗之於曉午  
暮夜之時可見之矣由是推之嬰兒始生而赤長稍變  
而白病則黃老死而黑物生地下而赤稍長而白萎落  
則黃枯槁而黑凡物皆資一陽之氣以生此四色者乃  
一陽之氣色遞變者也夫痘瘡由出現而起發起發而  
成漿成漿而結痂亦人身中一陽之氣之流行也其出  
現而赤起發稍變而白成漿則黃結痂則黑此亦色之  
遞變自然者乃證之順未可全以變黑為不正之色也

夫以變黑為逆者以四時言之春主生夏主長秋主收  
冬主藏此自然之序遞相成功者也痘瘡之出猶春之  
生也起發猶夏之長也成漿猶秋之收也結痂猶冬之  
藏也亦自然之序苟出現而黑色是春行冬令矣起發  
而黑色是夏行冬令矣成漿而黑色是秋行冬令矣不  
循遞變之次故謂之逆黑者腎之色也為起蟄封藏之  
本故以變黑為歸腎也又肺主皮毛心主血脈脾主肌  
肉肝主筋腎主骨髓瘡疹之毒由內而外為順內者不

出曰伏已出復入曰陷不能成漿謂之倒陷不能結痂  
謂之倒靨曰伏曰陷曰倒皆由外而內入於骨髓故曰  
歸腎為逆也 按錢仲陽為萬世幼醫之祖而獨以變  
黑歸腎為腎實之證其失不小萬氏闢之最為詳明故  
備引之蓋耳聾者腎之部也諸痛瘡瘍皆屬於火腎本  
屬水水不畏火故瘡疹之初腎獨無證凡五臟之部之  
色之證見者皆為惡候故曰善則不可見惡則可見也  
倘若小兒腎水本虧則火毒愈盛水不足以制之而火

反侮其所不勝及其既久火熱水熱於是腎之所部始病而惡證見焉錢氏以百祥丸下之者大有至理蓋大戟者瀉小腸之藥也心與小腸為表裏不直瀉其心而瀉其合使心火下降而腎水上升得陰陽交媾之道有起骨加肉之功然不救者尚十有九水火豈易抽添哉蓋非百祥丸則無治也毒氣去而真氣不絕者猶活前人謂百祥丸瀉膀胱之水令脾土復旺是不讀本草而且大失仲陽之旨也又導赤散亦仲陽所製亦瀉小腸

但與百祥丸之功效有寬猛耳四聖散用木通亦妙世以大戟為猛而易以其他淡滲之藥反瀉膀胱與腎者是不刃而殺之矣萬氏以百祥丸下腎中毒氣是猶以為腎實而瀉其子也毫釐之差千里之謬不可以不辨瘡疽黑陷分四證詳見起發證治陷伏條 薛云喜熱

飲食手足並冷者乃脾胃虧損陽氣虛寒之證宜用辛熱之劑補之喜冷飲食手足並熱乃陽氣實熱之證宜用苦寒之劑瀉之外感風寒者溫散之毒入腹者分利

之陽氣虛者溫補之外寒觸犯者熏解之陳宿州先生用十二味異功散以預保脾土於未敗之先實發前人之未發開萬世之聾瞶也

聞人人牙散治痘瘡方出風寒外襲或變黑或青紫宜溫肌發散使熱氣復行而疵自出用人齒脫落者不拘多少瓦罐固濟煨過出火毒研末出不快而黑陷者積豬血調下一錢因服涼藥血澀倒陷者入麝香溫酒服之初虞世名回生散用人牙灰入麝香少

許每服半錢黃芪白芍藥煎湯

調下

錢氏方中用溫

酒調下 雲岐方中用升麻紫草煎湯調下 海藏

云若平昔油膩腸垢者通膈丸下之硃砂為衣與宣

風散相表裏 一方用雞冠血調成膏好酒半盞入

乳半盞入葱白一莖煎湯送下 彭氏云只用紫草

湯自好瘡痘最怕麝香與酒氣觸禁不可用 凡服

牙齒不可過多每服止三分多則陽氣盡出於表恐

痘斑爛無血色陰氣內盛必裏寒而濡泄急以四君

子加芎歸服之

湯治痘瘡黑陷藥不能發者有驗用穿山甲一味燒存性為細末入麝香當門子少許一歲五分三歲一錢溫酒調下一服取效雖半身黑陷欲絕者亦能暫甦而發紅色但有目閉無魂者不復生矣

寇麻黃湯用麻黃剪去根節五錢用蜜一匙同炒良久以水半升煎候沸去上沫再煎去三分之一不用查病瘡疤倒靨黑者乘熱盡服之避風俟其瘡復出大

法用無灰酒煎更速但小兒不能飲酒者難服以此

藥入表也

世傳此法累用有効

萬凡痘子黑陷古方用穿山

甲者取其穿腸透膜而善走也用人牙者取牙齒乃骨之餘腎主骨可以入腎也此二物者但借為向導引解毒之劑以施治則可若單用之何濟於事哉有用燒人尿者蓋尿大解毒毒痘乃時氣所發故宜用之若加入發表和中解毒湯內尤良 右方皆通表發肌之藥首一證感風寒肌竅閉塞血凝不行而黑

陷者宜之

活人瘡黑倒陷豬尾湯無比散龍腦膏子無不驗

海藏云若

用草藥下之似勝腦麝必不得已而後用之可也

豬尾膏治瘡倒靨用小豬尾尖刺血兩點入生腦子少許同研新汲水調下食後立效

龍腦膏子治時疫發痘瘡及出瘡子未透心煩狂躁氣喘妄語或見鬼神或已發而陷伏皆宜速治不治其毒入藏決死用生龍腦一錢研細滴豬心血和丸如

豆子大每服一丸心煩狂躁者用紫草湯化下若瘡

子陷伏者用溫酒化下少時心神便定得睡瘡疹發

透依常將息取安

海藏云此一法證極而用故活人云不得已也

四糞散 治癰瘡倒靨黑陷

出御院藥方

歌曰人猫猪犬臘辰燒每服三錢蜜水調選甚倒靨

并黑陷萬兩黃金也合消

臘月辰日合此藥甚妙

子和人中黃臘月者最佳通風處以火煨成煤水調下

三五錢陷者自出丹溪云子和黑陷甚者用燒人屎

即此方也

世治疹痘不透乾黑危困用山查肉一味為末每服二錢紫草酒送下量兒大小加減徐徐進三四服即紅活

海劉守真涼膈散治小兒斑疹黑陷亦妙然止能治大便結硬小便赤澀為當若大便小便已通不宜用此惟以易老去大黃硝者最為穩當錢凡痘疹重者猶十活四五黑者無問何如十難救一其候或寒戰咬牙或

身黃腫紫宜急以百祥丸下之復惡寒不已身冷出汗耳尻反熱者死何以然腎氣大旺脾虛不能治故也下後身熱氣溫欲飲水者可治以脾氣生勝腎寒去而溫熱也治之宜解毒不可妄下妄下則內虛多歸於腎若能食而痂頭焦起或未焦而喘實者可下之宜四順飲瘡赤陷而耳尻反熱者為逆用百祥丸牛李膏各三服不愈者死

百祥丸一名南陽丸 治瘡疹黑陷寒戰咬牙戛齒身

黃紫腫

紅牙大戰

不以多少陰乾漿水煮軟去骨日中曬乾復納汁煮汁盡焙乾為末

右水丸如黍米大每服一二十丸研芝蔴湯下吐利服無時此方治夏齒甚妙

牛李子膏 用牛李子不以多少取汁石器內熬成膏牛李子生野道邊至秋結實黑子成穗如無生者以乾者為末水熬代用每服皂子大煎杏膠湯化下此藥須於九月中取之

睦親宅一大王病瘡疹始用一李醫又召錢氏錢留與  
抱龍丸三服李以藥下之其疹稠密錢氏見大驚曰若  
非轉下則為逆病王曰李已用藥下之錢曰瘡疹始出  
未有他證不可下也但當用平和藥頻與乳食不受風  
冷可也瘡痂若起能食者大黃丸瀉一二行即止今先  
下之瘡疹未能出盡而稠密甚則難治此誤也縱得安  
其病有三一者疥二者癰三者目赤李氏不能治經三  
日黑陷後復召錢曰幸不發寒病未困也遂用百祥丸

為主牛李膏為助各二大服至五日間瘡復紅活七日而愈蓋黑者歸腎水也腎旺勝脾土不尅水故脾虛寒戰則難治所用百祥丸者以瀉膀胱之腑腑若不實臟自不盛也何以不瀉腎由腎主虛不受瀉如二服不効即加寒而死矣

子和治瘡疹黑陷鐵腳歲靈仙為末炒一錢腦子一分用溫水調服取下瘡痂為效

活人無比散 治小兒瘡疹惡候

硃砂

一先研

牛黃

麝香

樟腦

膩粉

研細各一錢

右同研細如有患者小兒一字大人五分入水銀少許用小豬尾上血三兩點新水同調服寧穩得睡者

然後取轉下如爛魚腸葡萄穗之類涎臭惡物便安

小兒用乳汁調妙

海藏云此瀉內熱之極不能開發於外則宜此內雖過泄外亦開發

即透肌膚之藥與至寶丹同

### 小兒癰疹黑陷方

乾臙脂

三錢

胡桃

一箇燒存性

右為細末煎胡荽酒調下藥一錢立效 右治死血  
黑陷凡前方用穿山甲及麝香等藥治黑陷皆為氣  
滯者設也 右方皆裏藥第二證所謂毒氣太盛內  
外蒸燥毒復入裏必心煩狂躁氣喘妄言如見鬼神  
大小便秘渴而腹脹者所宜選而用之者也

閻紫草散 治瘡疽黑陷曾服此方愈元錢皆云有枳  
殼難服

紫草

甘草

糯米

元云此味極  
好助胃氣

黃芪

各等分

右水煎服

丹痘瘡黑陷二種因氣虛而毒氣不能盡出者用黃芪  
人參酒炒紫草治之顏色正者如上治法

參芪之補佐  
以紫草之通

也利

魏變黑歸腎乃氣弱不能畜血血亦不榮故致枯萎而  
黑只用保元湯加芍桂補提其氣氣旺則黑者轉而為  
黃矣

右補虛例第三證所謂內虛而不能使陽氣以副云

云者之所宜也

吳氏云痘色初深紅者必變紫紫必變黑紫黑必致於  
乾枯此血熱漸變理勢之一定不移者也故初見深紅  
失於解散至於乾枯黑陷危殆極矣治法當以涼血退  
熱為主看其微甚或利大便或利小便或用解散之劑  
頂雖平陷不可專以氣虛例之而惟用參芪補劑補則  
氣愈盛而血愈乾涸矣 翁氏治血熱證七八日間有  
紫黑乾枯及青灰乾黑陷者其奪命大造談笑博金一

字金或百祥牛李褚尾等方然早能涼血解毒必無此患患此而後用此藥得全者少矣若服涼解之藥過多以致泄瀉滑脫而成黑陷者仍從陳氏法以木香異功治之又不得以血熱為拘也

奪命五毒丹 治痘黑陷倒靨乾枯不起者神驗

月魄

雌蜍少許

吐月華

牛黃二分銀紅

硃砂一錢

男王

雄黃三分

梅精

冰片二分

右五味用豬豬尾血為丸如麻子大薄荷湯下一丸

移時活動

談笑博金丹 治同上

取用寅亥戌未四時四靈丹加臍香下 俱用天靈

蓋

大造保童丸 治同上兼治痘毒亦妙

一蠻子

人胎骨  
炙過

二狼子

狗胎骨  
酥過

三猫子

猫胎骨  
炙過

右加臍香下

一字金丹 治同上

紫花地丁 金線重樓 山慈菇

至寶丹 治同上

戊腹糧

即將大米淨室與犬食飽取其糞洗淨炙乾研細每一兩麝香一二分

一粒金丹 治同上虛證雖死者可立活

膈朥臍

二

鴉片

三

冰片

二

麝香

一

原蠶蛾

二

已上六方治危急痘證有起死回生之妙

獨神散

即前穿山甲方

天真膏

治黑陷乾枯紅紫及癰不退用此救之十全

四五

初生小兒解下黑糞用磁罐收貯加水銀二兩麝香  
一錢黃蠟封口埋於土中愈久愈妙久而化為水  
每遇前證看兒大小熱毒盛者量與二三茶匙酒煎  
紫草湯對半和勻服之立時紅潤活潑真秘方也勝  
天靈蓋枯臭無益之物萬萬矣緣此糞原係母之真  
血所化蓋以血補血且入土日久又得陰氣多故能  
解毒 百日内小兒熱而煩躁啼哭不止用少許點

入眼角二三次便能神安氣和而睡蓋又能清心熱也

大成散 治痘出不快或頂陷或灰白黑陷一切不起發之證俱可用之

穿山甲

酒炒  
一兩

甘草末

二錢

雄黃

硃砂

各一錢

紫草

三錢

麝香

二分

右每五歲兒用二分 冷證熱酒調下 熱證紫草

湯下 寒者加入治中散內用 熱證加入小無比

散內

無價散 治黑陷欲死者

用無病小兒糞臘月將傾銀罐二箇上下合定鹽泥  
固濟火煨通紅取出為末蜜水調服一錢一方加麝  
香冰片少許

灰白

丹爐灰白色靜者怯者作寒看躁者勇者煖發者作熱  
看 凡痘疹白色將靨如豆殼者蓋因初起時飲水多

其屬不齊俗呼倒屬不妨但服實表之劑如毒氣鬱裏消息他大小便如大便閉通大便小便閉通小便無妨

薛前證不起發不紅活者此因脾肺氣虛用參芪四

聖散

起發

頂陷灰白瀉渴者脾肺虛寒用木香散異功

散

出不快

張痘初出時色白者氣血虛也便宜大補氣

血參朮芪芎升麻乾薑甘草木香丁香酒洗當歸白芍

藥若大便瀉加訶子肉果 丹溪治吳店小兒周歲痘

癢色白甚癢藥中每加參芪半兩白朮七分丁香兩箇

當歸一錢官桂三分水煎服

右治虛寒例

婁予族姪女筭年出痘灰白色身熱喘嗽渴脈洪有力  
與八物湯加連翹桔梗犀角屑半夏木通紫草乾葛石  
膏杏枳連苓前胡瓜蒞仁服之十貼後色紅活喘嗽緩  
減漸微但熱未除遂於前方減芪杏胡枳連苓蒞七味  
服三十餘貼而安安後髮皆落月餘方起牀虛之極也  
又一男子二十餘歲出痘已破未破者灰白色又雜

間以黑陷倒靨者發熱寒戰身痛脈洪或時弦亦與八物加木通紅花紫草陳皮連翹服十餘貼而安

右治虛熱例

凡血氣不足灰白頂陷不起者宜內托散

即十宣散見起發

加

紫草并乳汁調補

痘色灰白漿不滿足欲成倒塌皮

薄易破者保元湯

大加

芎歸芍藥升麻人乳好酒進之

右補虛例

有一等白痘似粉醫人所不識有盤有

頂而軟肥者以加減大紫草散主之

加減大紫草散

治白痘似粉人所不識者

紫草 人參

茯苓

黃芪

白朮

芍藥

川

芎

當歸

甘草

糯米

右各等分為麤散每服四五錢水煎服 一方有木  
通無黃芪名紫草快癍散 又一方去甘草加木通  
防風名參芪四聖散治表裏俱虛

補元湯

治痘頂充滿而根盤不聚色不紅活乃氣有  
餘而血不足也

川芎

當歸

白芍藥

酒炒

熟地黃

各一錢

紫草

紅

花

各酒洗七分

陳皮

甘草

各三分

白朮

酒炒一錢五分

酒水各半盞糯米五十粒棗二枚煎服

活血散

治痘色淡白

當歸

赤芍藥

酒炒

紫草

川芎

紅花

各五錢

血竭

一錢 木香

二錢

右為末每五歲者服一錢十歲已上者服二錢好酒

調下熱極血焦不紅活者酒煎紫草湯調下

保生散 治氣血俱虛灰白色不灌膿回漿者

紫河車

一具焙為末

龜板

酥炙五錢

一方有鹿茸五錢

右為末每服五七分或一錢氣虛者保元湯下血虛芎歸紫草煎湯下

混元散 治同上

紫河車

一具分作五七塊

用白糯米三合水淘淨入無油銚內同炒以米黃色為度同為末每用五七分兒大者一錢極補氣血能

助灌漿如神緣糯米性溫得紫河車之氣純化為河車故其補功最速譬之造酒米從麴化意也

### 內助丹

黃芪

炒酒

人參

炒酒

白朮

茯苓

當歸

陳皮

牛

夏

厚朴

肉桂

山查

薑三片棗一枚糯米五十粒水煎服 如不食加人

乳一杯 瘡甚加大附子 寒戰不止加附子防風

渴加麥門冬 瀉加澤瀉猪苓不止加訶子肉果

助陽丹 癢塌不起根窠不紅

黃芪

人參

白芍藥

各酒炒一錢

甘草

三分

川芎

一錢

當歸

一錢

紅花

五分

陳皮

八分

官桂

二分

薑棗水煎服

回生起死丹

治痘灰白寒氣逆上不食腹脹嘔吐肚

痛泄瀉清水手足俱冷

丁香

九枚

乾薑

一錢

水煎熱服被蓋片時令脾胃溫暖陰退陽回痘自紅

活

夾疹

狀如錦紋其中有空缺處如雲頭樣者為癍偏身無空處疎密不等者為疹

萬疹一名麻子君火所為也

或曰脾為疹

經曰少陰所至為

瘍疹在人則心火主之夫心火亢甚則制已所勝焚灼

肺金肺主皮毛故疹毒見於皮膚之間蚊蚤所咬之狀

痘瘡只出一般者善若與疹毒並出謂之夾疹其候極

惡惟痘本稀疎而夾疹者庶乎可治瘡本稠密與疹並

出彼此相混瑣碎莫辨急用辛涼之藥發而解之如疹

毒漸消瘡本磊落者亦可治也疹痘相併毒不少減此危惡之疾孰能料其生乎瘡出夾疹者荆防敗毒散主之疹毒消者可治如瘡收靨後復出疹者此餘毒解散之兆不須治之薛夫疹乃風邪外患痘為胎毒內發二證並作臟腑俱病也二者相雜赤暈發焮痘瘡愈盛誤謂痘出太密多不可救然此乃夾疹痘也當治以人參羌活散疹毒即解痘勢亦退其元氣虧損不能結痂當補脾胃為急也翁痘內夾出丹疹者不必治之

當以托痘為主痘出而疹自消矣

荊防敗毒散

柴胡 甘草 人參 桔梗 川芎 茯苓 枳

殼 前胡 羌活 獨活 荊芥穗 防風

各等分

右剉細加薄荷五葉水一盞煎七分去渣溫服

人參羌活湯 治時氣痘疹兼於發表

人參 羌活 獨活 柴胡 前胡 桔梗 茯

苓 枳殼 川芎 天麻 甘草 地骨皮

各三分

右入薄荷五分薑水煎服 右表證多者宜之

清和飲

地骨皮

鮮者麥門冬

去心各二錢

生地黄

知母 貝母

橘紅

茯苓

甘草

荊芥穗

各七分

牛蒡子

炒研一錢

五分桔梗

五分全瓜蒌

錢一

右裏證多者宜之 虛者加人參黃芪

夾痧

萬活人書云傷寒下之太早熱氣乘虛入胃發痧下之

大遲熱留胃中發癰胃爛亦發癰癰者乃熱毒鬱遏煎熬陰血血得熱而不解浮於肌肉為癰足陽明胃主之痘瘡初出皮肉紅腫片片如錦紋者此夾癰也以辛涼之藥解之其癰漸退瘡本堅實者吉否則皮膚癰爛瘡易瘙癢所謂皮嫩易破者是也如赤癰成塊其肉浮腫結硬者又名丹瘤其毒最酷瘡未成就此先潰爛工不能治 夾癰痘亦用荆防敗毒散主之癰退可治 張痘出而夾癰者痘毒隨臟而出其毒發之勢最為迅疾

或血太過而氣不及則衛氣疎缺不能密護脈絡而致太過之血夾毒上浮亦乘毒出之勢而發為斑也較前夾疹者稍為易治如瘡起齊其內必虛斑多從內解如不解以升麻湯加歸芍主之又有或結痂後而發者餘毒熱盛煎熬肉分其斑必爛以消毒散出不快加歸芍防風盛則用連翹湯痘大小便秘爛處以生肌散潰爛傅之若夾毒初出色赤如火乃毒滯不能宣發之故以四順飲熱發利之如大便利一二次而斑或退則血附氣位急用四

君子湯

不能食

加芪薑棗與服以防其損陷如不止加肉

豆蔻必止

翁用玄參升麻湯

咽候

黃芩荆芥白芍歸芍

在初多用表散在後多用解利紅斑易退紫斑稍難藍

斑不可治矣

婁用白虎湯

袁痘中夾斑陽明受梟

炎之毒盛而然丁桂之藥纖毫莫可投也

張半仙用

黃連解毒湯以治夾斑之痘則失之太寒

錢氏用檳

榔大黃以療痘中之斑則失之太峻總不如犀角地黃

湯以徹內陽明之鬱毒五龍化斑湯以消外蚊咬之血

紋內外夾攻表裏調和斯能復全矣 愚治痘裏夾痧者極多但見形就是痧不見痘樣者熱毒峻烈克全者十止三四兩日而痧見者速清逐為尚患此者必煩躁謔語渴飲不寧如劉禪師用地龍汁和犀角水投服亦心得治痧之法者矣

山梔子湯 治痘瘡及痧毒狀如蚊蚤所齧毒盛黑色者

山梔子仁 白蘚皮 赤芍藥 升麻

各一兩

寒水

石 甘草

各五錢

右為細末每服一錢水八分紫草薄荷各少許同煎至五分去渣放溫服

袁氏方

紫草 紅花 犀角 木通 芍藥 生地黃

茯苓 甘草 蟬蛻

燈草金銀煎服 外加荊芥紫蘇木通荔枝殼鳳凰脫升麻楊枝濃煎湯浴之

陽毒升麻湯

面赤狂言煩躁腰背疼下利脈浮喉痛

升麻

錢五

犀角

射干

黃芩

人參

甘草

錢各二半

右水煎服

夾癰表夾癰為痰毒凝結而成也或結於項頸或結於耳後或結於腋下大者如桃小者似李長者似瓜短者似棗身烙煩渴勢若不凶痘三四日而癰作則毒隨痘洩膿隨痘灌自可挽全而無害倘癰紅腫將膿而痘隨標焉吾恐毒膿一潰元氣竭瀉痘焉能表暴充灌乎七

八之期痘已黃蠟而癰作焉保護元氣消毒祛邪竟獲  
綏全之慶雖潰無妨治法在乎審日期之先後視元氣  
之厚薄紀男女之大小範時令之寒暑庶幾免紊錯之  
愆矣癰已紅腫而痘標焉法宜托裏毒盛消其毒元虛  
補其元木通桔梗解毒而徹關鎖惡實生地除梟而祛  
榮炎甘草清理諸邪蟬蛻祛風辟毒芍藥洩諸經之鬱  
火荊芥散陽明之風邪諸藥缺一不可也 痘起遂發  
癰治以補托如苓連之藥不可用耗燥之劑不宜投消

痰解毒為尚 痘標而癰破流膿出血自致元氣虛虧

大用黃芪衛元湯可也人參黃芪川歸紅花桔梗芍藥

甘草防風煎服 痘兩三日而癰毒仍作急用三消散

半夏川歸茯苓甘草木通紅花生地芍藥牛蒡子天花

粉蟬蛻燈草煎服 痘七八日充灌而癰作宜服沖和

飲子人參黃芪麥門柴胡防風荆芥芍藥茯苓炒白朮

桔梗連翹當歸瓜蒌根頻進四服自愈矣 歌曰木通

生地併黃芪桔梗當歸芍藥俱大力蟬蛻兼甘草白茯

僵蠶効實奇上焦加味升麻引貝母門冬不可遺下焦  
牛膝相資助緊覓山姑倍用之熱多荊芥隨多少疼極  
還尋白芷醫 愚按方治證須驗時日若頭面盡腫而  
癰腫則諸痘決不能鼎峻多致損傷

夾丹表痘裏發丹內熱之極而然也不宜遽用極寒透  
裏之劑若標兩三日竟以化癰湯徐徐浴之內服生地  
牛蒡子芍藥甘草木通荊芥穗其毒自消矣若用豬膽  
京墨冰片塗之竟懼其害慎之頭面項頸倘如蛇纏硬

腫火燒疼痛臬毒轉於上宜用炒黃連紫草車前子梔子等藥 余治痘丹準前藥加減單用露桃花二錢即丹收痘朗若腫疼須加柴胡羌活生地芍藥倍之有用鳳尾草獨煎湯飲豈知山蕨即鳳尾草名也性極寒而沈走恐傷於痘不可輕用

夾瘡瘍表痘裏夾瘡痘迎瘡見隙而盤據愈加多密矣痘起氣虛風癢自作宜用紫蘇荆芥湯浴之隨用芍藥生地防風黃芪白朮殭蠶甘草蟬蛻等藥服之可也若

男女種患楊梅惡瘡痛不可忍而痘適標其間李少陽用蝸牛丹以治但香油皂子仁不可輕用若患肥疔瘡如松香輕粉飛丹雄黃皆不可塗也 歌曰黃芪芍藥

直疆蠶生地防風白朮聯甘草紅花牛蒡子酒煎來服効難言若是楊梅瘡破爛牛黃土茯苓加焉痛極乳香些少助自然瘡可痘安痊 余歷驗小兒痘種於瘡瘍中痘雖美麗勢必梟癢若不按法製湯以浴痘躡聚於瘡隙奚克鼎峻尹頭陀專以香馬蘭藤煎湯浴夾瘡瘍

之痘允得鎮痘之妙但香馬蘭有三種分別青紅白根  
浮上紅者甚佳採用則可治法升麻黃芪為君芍藥生  
地為臣羌活防風為佐甘草蟬蛻為使此準格也

夾損傷表痘標一兩日或致撲跌或犯金石所傷則脾  
脈虧損而血氣走散痘終受其阻厄李少陽用孩骨胡  
桃酒以治則失之峻利況胡桃又作瀉之物用之不宜  
王近川用歸尾桃仁湯以治則失之狂妄痘中豈宜破  
敗其血者耶準依劉半塘拱元散人參黃芪當歸紅花

伏鳳雛蟬蛻防風芍藥甘草以補托其內用文蛤棕灰  
盒於傷處以收斂其外可也若損而不破者用蝦蟆皮  
貼之徐徐以手摩撫若是湯瀝火烙者不宜敷以生冷  
之藥以凝滯其痘也 歌曰損傷須覓伏鳳雛土鼈參  
芪蟬蛻馳橘紅甘草當歸合再入紅花防地俱 昔黃  
舍人次子十三歲患痘兩朝上樓失足損傷頭額致血  
淋漓父母痛哭以為痘中損傷必不能生矣請予視治  
即將前方倍下參芪歸地連進四服而痘遂鼎灌身帶

不寧加茯神桂心外單用棕灰敷之不半月而自靨脫  
全美但痛甚者少加乳香若外傷重痕濶弗克收痴用  
白芨白歛象皮末摻之自痊

痘疔

諸痘中有獨大者或黑或白其根結硬即  
是痘疔如疔瘡樣直抵筋骨宜挑破以四

聖散點之

凡黑陷中有微尖頂如苦楮  
樣者疔也無此狀者謂之黑陷非疔也

萬痘疔者熱毒蓄積氣血腐壞而成也狀如數種乃疫  
毒之氣最為惡候宜謹察之有肌肉微腫狀如堆粟不  
分顆粒者此氣滯血凝毒氣鬱結也有初出紅點漸變

黑色其硬如石者此肌肉已敗氣血中虛不能載毒而出反致陷伏也有中心黑陷四畔突起戴漿者此血隨毒走氣不為用也有中心戴漿四畔乾陷焦黑者此氣附毒出血不為使也有頭戴白漿自破潰爛者此氣血不充皮膚敗壞也有為水泡溶溶易破者此火濕併行氣虛不能斂束也有為血泡色紫易破者此血熱妄行不能自附於氣也有瘡頭鍼孔漿水自出者此衛氣已敗其液外脫也此數證者於五六日間候之但見一證

即不可治 薛痘疔又謂之賊痘或三五枚或五七枚  
間雜於諸痘之間其色紫黯作痛不寧以致諸證蜂起  
不能灌膿甚至不救乃熱毒勢甚併結也用仙方活命  
飲湯如二便秘澀量加大黃遍身拘急加麻黃外必用  
線鍼挑破出黑血或吮出毒血以泄其毒餘痘纔可灌  
膿否則其毒無從而解必致不起如未應急用隔蒜灸  
若毒氣盛者或不知痛者不用蒜隔就著肉灼艾灸之  
若灸後瘡頭紅腫發焮用鍼挑破出毒血灼艾尤好雖

此法未出方書予屢用屢驗者世多用至寶丹之類亦

不可恃 別見起法證治宜參攷 凡痘瘡起發之時

但見乾燥其根焦黑者即內服奪命丹

見形

外用四聖散

塗之 如原有瘡疹或灌瘡未愈或瘡將較癰嫩者至

痘出之時其處痘本攢聚形色黑潰急以鍼刺破之吮

去毒血外以四聖散塗之內服加味四聖湯

見形

調無價

散

倒

併奪命丹主之

如瘡焦黑渾身皆是者看大便

何如若大便秘者內服承氣湯

更

調無價散外用水楊

湯浴法

起發

大便利者內服十全大補湯

汗

陳氏木香散

瀉調無價散合奪命丹外用水楊湯浴法

四聖散

萊豆

四十粒

豌豆

四十九粒  
各燒存性

珍珠

一分油頭髮

燒過一分

右為細末臘脂水調先以簪子撥開黑瘡以此塗之

二聖散 治痘疔挑破以此點之

雄黃

二錢

紫草

三錢

右研末用油臘脂調

敷方 痂後痘疔潰爛成坑內見筋骨以此敷之

赤石脂 膩粉 黃蘗 杭粉炒 血竭 伏龍肝

各一錢 飛丹炒八分 髮灰五分 乳香 沒藥各三分 冰片三厘

蜜陀僧飛過二錢 有臭氣加阿魏三四分

右為細末綿紙篩過敷之外用膏藥貼 內服人參敗毒散加穿山甲蟬蛻連翹

拔毒膏 治痘疔

雄黃 研

右用臘脂重浸水令濃調雄黃點疔疽上立時紅活亦神法也蓋雄黃能拔毒臘脂能活血也

飛龍奪命丹 治痘疔痘毒痘癰或麻木嘔吐重者昏憤咬牙

真蟾酥

乾者  
酒化

輕粉

各一錢

枯白礬

寒水石

銅綠

乳香

沒藥

麝香

各二錢

硃砂

六錢

蝸牛

四十二另研如無

箇

亦可

右各為末入蟾酥蝸牛或加酒少許糊丸菴豆大每

服一丸溫酒或蔥湯送下重者外用隔蒜法灸甚者  
多灸或著肉灸

捲簾疔 表痘六七朝舌望上捲喉鎖煩渴緊痛飲食  
難進不知者妄用刀割舌下青筋儵時致死豈知疔毒  
結坐於舌根疔甚者如黑豆次者似葡萄犯此證候要  
把銀鈎鈎破患處儘淨惡血隨以苦茶嗽口盡吐其毒  
血而以後方投之 歌曰晡仙妙製龍宮丹永片礪砂  
青黛間薄荷荆芥殭蠶炒還覓黃連法製難按合研勻

為細末慢吹喉內捲簾翻 按此疔人多不曉天殺兒  
童若患此者痘定經於心急宜清解若補助之藥不宜  
服也有方用蛤蜊汁和玉露滴者亦可

燕窩疔 痘形五六日而腋下硬腫兩手坦垂不能活  
動轉舒煩躁譫語眼碧臉赤惡渴吐沫不知者以為結  
癰而然豈知痘毒結坐於腋下名曰燕窩疔急用銀鍼  
挑去其根盡除惡血隨將燕窩打水澄清者洗淨而以  
珍珠末和油臘脂塗其患處內服消毒飲 歌曰燕窩

疔欲燕窩除挑破須將澄去泥洗淨盡除其毒血油  
脂和米珍珠塗抹其中時刻候管教毒盡痘離離  
又  
曰消毒飲是鼠粘先甘草通荻生地全紅花犀芍連翹  
合燈草濃煎毒盡捐  
余歷詳察此痘左腋潛注則右  
體之痘沈伏而失色右腋潛注則左體之痘叛逆而無  
元是準格也若曰疔左而左痘壞則誤矣有方以蜒  
和核桃肉吞者雖暫獲効終之無濟

火珠疔 痘值六七日而鼻竅中悶塞噴火氣息甚難

惡渴煩躁面赤眼紅痰紫飲食不餐名曰火珠疔外要  
鈎破隨將藥點入眼角再服瀉金湯則愈矣 歌曰鼻  
中閉塞火珠疔速要鈎穿眼上行黃連膏和梅花片點  
滴其中左右經再服瀉金湯二劑自然毒盡得安寧  
瀉金湯歌曰烏犀桔梗鼠粘行芍藥甘梢伏火青生地  
紅花通紫草合煎服後自消疔 按此痘疔患於小兒  
們人昧以為血肉閉塞不知挑剔屢致枉死慣治者允  
宜詳驗眼翻氣急手足亂撒候則是矣或以田螺水滴

入者未善

忘汲疔 痘值六七之期兩眼沿條然結座疔毒封蛤  
腫脹熱極而面色紫煩渴則以治鼻疔法治之挑破處  
連以瓦蔥搗爛盒之蓋此處不可以鉤穿者也 歌曰  
眼沿生疔眼必瞎自有仙家神治法瓦蔥細搗盒封牢  
莫待風梟再作惡 昔穆修治此疔專用山蔥菇和螳  
螂肉搗爛盒上取疔根亦捷法也

泰虎疔 痘期裏正要會膿結蠟而耳孔內結成疔毒

蓋腎地宜無痘毒而疔獨輳結於此者則裊炎熾而癸  
元已耗矣急宜錐破隨用鷺管石女貞子薄荷共研為  
極細末吹於患處再用馬蘭根洗淨寸斷塞耳歌曰  
泰虎由來兩耳中少陽臨證製吹筒鷺管石和女貞子  
薄荷三味并相攻再把馬蘭根洗淨隨將寸斷塞其中  
不須時刻相回挽自然疔裏見奇功按此方鷺管石  
宜改元精石以元精而寫鷺管此亦傳易隱射之失也  
內還有冰片女貞子亦是女貞抄曰子者亦傳訛也

注命疔 疔期裏兩足掌心痘毒蟄結成疔硬腫惡痛  
或如錢樣或如大黑豆或如胡椒粒紫筋直注透足股  
盤處其毒甚矣速鋤取其根盡淨其血隨用田螺水  
調和冰片點三次把慎火草萊豆浸脹搗爛盒於患處  
內服化毒丹 歌曰痘裏如生注命疔花欄決定不為  
輕銀鍼挑盡其中毒尋箇田螺吐水清調和冰片蘸脂  
點再覓龍鱗草要真 即慎火草又名火丹草 脫皮萊豆浸漬脹共  
搗將來盒一層內把化毒丹來服不怕疔生足掌心

俗人多以足下疔不加意豈知疔雖生於下而縮刺於上竟犯脾心二經時刻不可捱故曰注命

驪含疔 痘值五六朝身發惡熱躁謔語兩眼翻厥肚腹膨脹小便閉塞惡痛呌號不寧蓋因梟毒澄聚於膀胱而於陽莖竅裏驟結鳩疔名驪含疔語云痘疔結此時刻要死急用銀硃冰片蟾酥牛黃麝香研勻極細末將黃連細茶濃煎候冷取半匙調藥把細軟稻心蘸藥通納其竅中再用油菜子鏟將其莖內服木通敗毒散

歌曰曬含生疔疔如刀十箇疔來九不饒胡僧仙授  
攻醫法繼後曬含命始逃牛黃冰片蟾酥麝和合銀硃  
一樣搗茶連數沸煎濃冷稻草心將蘸藥膏依方按法  
相為用何畏疔錐日夜號 昔雲間一僧用細銀絲通  
竅內隨以清水漱口淨吸之以盡其毒血外用珍珠片  
腦調服亦驗

透腸疔 痘六七朝之內腹中飽悶絞痛難忍大便閉  
結煩渴遂於冀門旁闊輦坐疔毒腫硬紫錐名曰透腸

疔毒微於陽明故耳速鍼雖其毒大用金銀花防風煎  
湯透冷洗淨隨將輕粉珍珠片腦白欵末燈心蘸塗於  
上內服黃連解毒湯 歌曰透腸疔毒命隨傾治得全  
時漏必成此方奇效人誰得惟是晡仙用自珍片腦珍  
珠與輕粉分兩般般無重輕要將白欵先為末澄過乾  
時後併行毒收還冀時乾結潰爛來時極可憎 此疔  
有別後用芋根搗爛盪者有用桑杪搗爛和麝敷者俱  
有明効總不如野萊豆末和紅花末乾摻甚美

## 痘癰

萬痘癰者熱毒拂鬱氣血虛弱肌肉敗壞經云熱勝則肉腐者是也三理論曰脈浮而大浮為風虛大為氣強風氣相搏必成癰疹身體為癢癢者名為泄風久久為大癰凡氣血充實者外無虛風內無強邪必無是病惟氣血素弱者不能榮衛於身易感天地肅殺之氣皮肉之內虛風居之兼之痘疹穢毒疫癘惡氣擊搏燔灼流散四布隨空而出所以瘡本稠密身無完膚瘙癢難任

肌肉潰爛而痘癰成矣急用大補氣血清熱解毒之法  
庶可求全若待敗面墮鼻唇崩目盲肢體殘傷不致殞  
命亦為廢人矣 凡瘡破成癰者用十全大補湯汗苦  
參丸合而服之外用減癰救苦散收搽之

救苦散

苦參

一兩

白蔞藜

胡麻

牛蒡子

各半兩

甘草

二錢五分

共為末酒調麪為丸竹葉湯下

壅腫

經曰熱盛則腫大抵毒之盛者必腫毒微者不腫凡瘡  
出盡應期起發頭面以漸浮腫者此毒火發越聚於三  
陽之分欲作膿血故宜皮肉焮腫也設當起發之時頭  
面不腫者必瘡本磊落毒氣輕淺雖爾作膿根不占處  
所以不腫必須治之如瘡本模糊起發不腫者此毒伏  
於內不即發洩不可以毒輕論也如起發腫大皮肉如  
常瘡尖而圓粒粒分明者此佳兆也若皮色鮮紅瘡本  
成串粘聚平塌者若瘡色灰白成餅如錫面者若瘡焦

紫無水者皆凶兆也有先起發頭面預腫此兼疫毒之  
氣名大頭瘟者是也腮頰預腫者此名蝦蟆瘟也須兼  
疫氣而治多凶少吉大凡瘡腫者直至乾漿結痂之時  
毒化而腫消矣故應腫不腫應消不消者謹隄防之

凡瘡腫脹面浮目閉者急與解毒護目救咽喉相兼治  
之內用消毒化斑湯

起發

外用神應膏

見形

護目

凡瘡腫

脹切防瘙癢正面之中不可少有破損者苟生癢破沙  
崩之勢漸不可為邪氣內陷真氣外泄腫消而死矣但

得破者復灌消者復腫飲食如常大小便自調者變凶

為吉用十全大補湯

汁

苦參丸

瘰癧

合而治之

如瘡色

灰白面腫如錫餅者但看其人臟腑何如若能食大便調小便長無他苦者多吉若不能食吐利併作或生瘙癢者多凶如頭面預腫或腮頰預腫者此時羌活救

苦湯

見起發

潰爛

収靨門  
參看

萬痘瘡所貴者堅實不破圓淨成痂也其有潰爛者火

勝也經曰熱勝則肉腐火之為用猛虐峻暴近之則躁  
癢不寧迫之則焦痛難忍灼之則糜爛成瘡故敗物者  
莫如火也火生於空非虛不燃乘之以風其燄益烈痘  
瘡潰爛由肌肉素虛邪風侵襲風者善行數變行諸脈  
絡散於榮衛之間一旦毒發於裏風應於表風火相扇  
肌肉憤瞋皮膚決裂而瘡壞矣如膿成而潰則毒已化  
但粘衣漬席不能乾較古方以敗草散主之誠良法也  
膿漿未成其毒未化瘡破潰爛者則衛氣暴泄津液不

榮譬諸草木剝削其皮枯萎而死矣經曰根於中者命  
曰神機神去則機息根於外者名曰氣化氣止則化絕  
此之謂也 薛聞人氏云痘癰爛之證因當發散而不  
發散則毒氣閉塞以致喘促悶亂不當發散而誤發散  
則毒隨陽氣暴出於外遍身皮膚潰爛治宜調脾胃進  
飲食大便調和榮衛健旺毒氣自解而無目赤咽痛口  
瘡吐衄等證竊謂前證若發表過甚大便自利急用理  
中丸豈寇丸

俱痘  
瀉利

以救其裏亦有痘疹如蚊所蠱而色

黑乃危證也若大小便秘結煩躁用小梔子湯

瘧夾 積

豬尾血調腦子治之自利不食者不可用蓋毒發於表

而妄汗之則腠理開泄榮衛益虛轉增瘡爛由是風邪

乘虛變證者有之若毒根於裏而妄下之則內氣愈虛

毒不能出而反入焉由是土不勝水變黑歸腎身體振

寒兩耳尻冷眼合肚脹其瘡黑陷十無一生治者審之

瘡出太盛濃汁淋漓不可著蓆疼痛者乾黃土羅末

傅之甚者白龍散

瘡

帛裏撲之或敗草散

收

貼之丹溪

云瘡濕者用瀉濕乃肌表間濕宜用風藥白芷防風之類聞人氏用麥麩襯卧暑月熱甚當藉之以芭蕉葉為佳或瘡已出定大便不通而膿汁不乾者此熱毒合下證也宜牛黃丹利之若瘡口濕及膿血雜流者百

花膏

收

生肌散金華散綿繭散

收

魏氏白螺散乳香

韶粉散俱可用若腐後復生乃餘毒失於解利留滯於

肌肉之間而然也宜消毒散

出太

或結痂久而不落亦

宜百花膏若痘爛無膿吐利不止或二便下血乳食

不化者不治之證也

牛黃丹 治瘡子出定大便不通瘡中膿水不乾

牛黃

大黃末

生珍珠末

粉霜

各一兩

右研勻煉蜜丸如黍米大每服十粒人參湯下量兒大小加減

生肌散 治疔蝕不斂併痘後毒血雜流不收等瘡

地骨皮

黃連

五倍子

甘草

黃蘗

各等分

右為細末乾摻瘡上

金華散 治痘證後肥瘡疳瘡疥癬能收水涼肌解毒

黃丹

水飛過火  
煨紅一兩

黃蘗

五錢

黃連

五錢

黃芩

大黃

各三錢

輕粉

一錢  
麝香一分

右為細末瘡濕乾摻燥用臘豬油熬化調搽

白螺散 專治瘡痘不收

白螺螄殼

不拘多少  
古牆上取

右去土洗淨火煉紅取出存性為極細末瘡口濕處

乾摻為妙

乳香韶粉散

即韶粉散加乳香末三錢

韶粉散方見落痂證治

又方

荔枝殼

微燒存性

草紙

燒灰存性

敗茅

多年者

三味共為細末或搽或摻自能收水結痂

又方 黃痘殼燒白灰為末摻之 如痘風癰以痘殼

煎湯洗

秘傳茶葉方 痘爛遍身無皮膿水流 出粘拈衣被茶

葉要多揀去麤梗入滾水一漂即撈起再揀去梗濕

鋪牀上用草紙隔一層令兒睡上一夜則膿皆乾

蕎麥粉法

見救急證治

蟬花散

治爛痘生蛆蟲及夏月諸蟲咬傷臭惡不可

近者服之蟲皆化而為水蒼蠅亦不敢近

蟬蛻

洗淨焙

青黛

澄去灰土各五錢

北細辛

二錢半

蛇退

一兩燒存

性

右為細末每服三錢酒調下一加生寒水石細末

臭痘

袁先哲云臭痘不死以其得化洩陽明之毒氣故耳若

臭而黑爛成窩者元氣虧損亦死之證也患此者須服

定金湯

定金湯方

綿黃芪

人參

炒術

當歸

白芍藥

生地

黃白茯苓

甘草

白芷

防風

荊芥

升

麻

入芫荽一握白銀一塊燈心二十莖同煎服予每

診臭痘膿血流溢者生臭不臭癢者生臭不延人者

生臭不抓脫者生臭不黑爛者生犯此須以芫荽艾  
葉燒闕其穢氣隨用升麻紫蘇湯揩挹其臭處淨潔  
其衣服牀被即服前方無不獲全若頂脇胸頸氣窩  
處凹爛黑臭洞見筋骨者必死之症也四明余氏用  
寒水丹摻之亦可

### 寒水丹

雞骨灰

帶血肉  
燒過

銀硃

各一錢

冰片

赤石脂


各五分

棕

衣灰

二分

右研細末洗淨徐徐摻之



證治準繩卷八十七